


空華日工略集

三

内閣文庫	
番 號	和 9736
冊 數	3 (2)
函 號	162 144

内閣文庫			
二 三 函	九 七 三 六 號	三 冊	和 書 類
(二和)			



綴じ部(喉部分)の文字等が開きが不鮮明な場所あり

室華日用工夫略集三

康曆元年

二年庚申

五十六歲

在南陽山報恩寺

正月十一日

佛前祝語日歲且令辰焚此妙香一願天

子萬年二願宰臣千秋三願檀那福壽增長四願山
門鎮而絕非虞五願僧眾進道而無魔六願兵革息
而四海平七願五穀登而萬民樂忽或有人道南陽
尋常不徇人情不好世禮今朝日甚与麼道余祇對
他道聊復爾耳則箇 十一日諸方人事扣龍與菴
訪草堂和尚 攀退院頌曰于木隨身知幾回傍
人贏得笑哈哈 今朝真盡散場去脫卻戲袂歸去來
十六日謁府賀歲吹管領甲第 十八日禪起庭下

和學講談所

菴堂文庫

巡視草木紅梅將萎視之則外皮如故但虫蠹其內
耳目謂道友曰凡物為害於外者易治為內者人不
得而知故及其已壞乃見無可奈何故有取之愈易
治無形之病難醫云々 廿日管武衛長子中書求
受衣名曰道文以令父名有章也目說儒釋皆以悟
為宗不独儒釋二氏凡一能一藝皆有悟門造其妙
者如輪扁庖丁是也

二月十三日一僧帶京之管領玉堂義將等持栴物
先津絕海等九人昏來蓋去月二十三日 公怙并
僧錄書出矣俾余補建仁之席先于專使而預私告
云々聞者稍至余匿其書不出 昏鼓將鳴之候管
領使至且謂似聞建仁御教書成未審有是否告報
遲矣如何向於幕下而闕之云々余對使畧陳曰御

教書未下京之管領絕海等內書也御教書若下余
必將拒之故待其來時即欲就于甲第而稟之且聞
于官府告報之遲一為之也使者出矣余謂諸子曰
余既匿書而不漏誰家好辨者早白之於府君管領
哉欲隱弥彰呵々 十四日內府大方殿并少輔局
並來日出世實可喜上京雖別可以為如何兩尼揮
淚余懇慙喻以上京延期之意 十九日臨夜建仁
專使中銘侍者至即出 公文并僧錄普明國師昏
怙 次早余請侍使銘侍者就說堅拒建仁而不上
京曰始待怙之降于別人乃致礼於京師語未既大
虛少室鈍夫九峯等諸老來勸然余欲不起諸老曰
赴京而面辭則宜矣坐而拒之恐是不可也諸老徑
就于官府并管領而啓曰義堂將拒京之府怙今日

必被謁見請以貴命而直見勸勉無所回避不然京
之時議如何辭罷余起于管領甲第出示京府
鈞帖并僧錄書劄洎管領玉堂內書等仍陳固辭之
意管領曰辭之甚不可也次謁于上府君出面
亦奉呈公帖諸昏曰切須拒之府君不允累加勉勵
余皆不肯而出入夜管領特來諄曉諭余一切
而斷且謂願吾檀越莫逼責矣十一日府君以上
杖中昏二階堂驗列為兩使而見督余尚節之曰交
之在乎管領請問之廿三日府君管領並親入山
預密執約束於大虛等諸老詐為不知同共縱使吾
未如之何以應官命且枉隨人情於是上京之事定
矣余乃謁相府并管領第而稟上京兼奉奉謝入山
勞煩顧而余竊思惟先赴京師與僧錄洎諸眷和會
不忤鈞旨而應奉祥建仁之命廿四日鈍夫和
尚來話舊上京既次吾願之所達也自欲製道舊疏
禁業者十餘年今為公破戒如何余忻然曰十
襲而秘焉而後告諸子曰余雖上京建仁之命可拒
有疏何益然名長老業蹟余之所庶幾也內府大
夫人大方殿洎少輔局等並有贖物送行日又
廿五日修書付梶原而拜圓覺幹事廿七日府君
設點心而見召蓋旌上京送儀也辭罷辭去後賜
繼實以下助贖種者余亦以圓藏主而致謝府君
筵上官伴管領洎中昏僧座大唐九峯鈍夫少室臨
夜管領入山有小意也

廿九日管領以使者送繼實伍拾條洎練襖香合等
三月一日入建長西來院鈍夫和尚書問謝道舊疏

二日赴管領黥心之請中書并諸長老光伴面引馬
二疋齋退令子孫磨殿贈鞍馬一疋阿堵貳拾緡蓋
管領子息上秋武庫也 府君亦贈以馬二疋臨夜
管領父子特來面別 京府公文以來賀官紛々不
已僧俗諸人助贖餞道之者多矣不能悉記 三日
天氣殊佳四更定起炷香諸堂以告別也開靜啟鳴
打齋板輿而發相陽送者緇素爭先輿馬相屬午時
至于平塚余皆謝而還之 七日經駿河清見関有
偈曰、喚作東山新長老、西征路上擁賓朋、関門故吏
應偷笑、二十年前一錫僧、十日早發見什邙、天流
河得絕海書々曰上京甚緩也急可進程云々
十五日過近江磨針山々有大小磨針之祢及登大
磨針山湖水粘天皇都在目余作詩曰行到磨針寂

上峯一湖春水浸天容、檉眸稍覺王居近、五色雲浮
喜燕濃 十六日宿于松本驛舍 十七日入洛蹙
仁清祖侍者率諸兄弟來迎等持物先絕海以下諸
伯仲皆來迎管領建淺倉者騎四五人同迎凡為近
余來者無數余徑邈嗟哉時善明國師在向陽菴余
乃入見畧叙久闊畢辭建仁之命千万百計國師不
允迺修書寄等持物先白官以余參府并入寺吉日
等事急令余安歇于東山無量壽院余不得已先領
之既而入三會院塔燒香罷塔主大義臨川古劍人
事次邈天竜雲居炷香罷直往無量壽院建仁曰兩
班送公怡來請余乃受請十八日赴常在光院与龍
湫和尚相見々畢和尚語及古余詩偈等事仍惠余
以善提子念珠一臂東西諸刹尊宿泊諸兄弟來賀

者不可勝祿也 十九日建仁舊兩序造退 廿日
初入管領第略叙受建仁諸意自兼謝內書來于閔
東淺倉迎于松本等事罷管領使家臣某引余入府
府君出迎余謝公帖乃出君送簾外

室町之府也 次入下府左典廐相看一色殿土改
光祿未禮 廿一日管領兄弟并日野殿來禮 廿
四日赴常在之請相伴大清而已兼僧錄之命巡報
建仁兩序西堂諸寮禁止暖洞之儀蓋亦余之宿志
也 廿九日中條判官來禮

四月一日就于觀持菴与絶海一閑講定入寺之儀
二日安國相山至出建仁山門疏草本而一講明
清雞和尚八十一作諸山疏大信錄普明國師製法
眷疏命鶴霜臺來禮 三日大法岳雲古劍惠叟物

先笑山月舟月庭空谷天心天錫無求悅岩翠岩等
來宿儀定明日入院規或法系凡葛之義於是乎在
矣 四日建仁視篆 台旆入山余攀之地法語畢
府君就于大統菴清祖侍者寮而點心之罷赴法堂
佛事證明法會既散府君約余曰來日晚頭謁府君
土改光祿書至招以明日齋點拒之 五日侍余香
者壽本索余入寺之語余謂之日昔雲門不許侍僧
編語錄余亦做之侍者懇求乃書而出焉 六日四
更入禪巡堂坐者十餘輩 七日起等持寺室陞院
忌齋府君相伴 十日南禪少林院主蘭春谷來說
少林本為西澗別業平氏亡後歸我先師明極手實
天童國師之力也 十三日赴天龍大清和尚入寺
之會以勅使來遲先點心之罷勅使至 廿日謝乘

拂上堂 廿三日打版坐禪僧衆滿堂外堂亦入禪
遠半山中宿先咸謂當寺住持雪村和尚以後不亦
見今日之盛 廿九日諦觀中歸自四別抵于稱名
寺及夜而至与詔得審歸國近况也

五月三日赴管領玉堂殿齋會官伴令身共列一也
殿士收光祿僧座普明國師南禪性海天龜大清安
國相山等持物先津絕海金玉岡黠心罷話及俗家
舉僧名字之事余咨國師曰今時蕪林之弊在于右
位競進先宜停止俗舉云々 十三日掛接官牌奉
迎府君臨期大小鐘鼓皆鳴余率兩班大衆出迎三
門鈞旆入門余引自正門入佛殿府君炷香三拜罷
余送歸特榻乃燒香歸知事班首与管榻相對而立
行者鳴磬奠珠西堂舉唱藥師如來偈藝正仁二僧
和之維那舉大悲咒余炷香三拜回向畢余引君入
方丈而黠心官伴管領一人僧伴普明國師東堂蘭
洲天龍太清等持物先燒香清祖侍者黠心罷余引
君歸歇處而道話少頃鳴鼓上堂府君特榻諸山列
在座下鈞語問答提綱自叙謝辭拈提罷齋會罷
遂駕方丈座位佛右府君管領佛左余讓主位於國
師次余次本寺東堂蘭洲次天龍太清次等持物先
次燒香祖侍者 十四日入府謝昨日臨駕次遠管
領甲第 十六日雨下余入僧堂衆避雨漏余作偈
慰之曰堂中雨滂夜移單床濕休嫌坐不安有漏身
修無漏定四禪天樂在人間屬而和者百又餘人余
乃召知事評議僧堂翻蓋之費 十八日為僧堂修
造出衣鉢資具禪錄詩書文集一十餘種本寺大衆

發心助緣蓋以余首唱也 宗椿侍者乞題集諸兄弟作頌以化青緡扇子而為題旧例以物為賂余制而令止之蓋破俗弊也

六月十日為妙法藏主元祿侍者求初講日用清規管領洎令弟將作特來聆之 十四日蓋器之傳二條准后相公命令題扇面詩者二首扇乃今右慢下所贈也慢下相君書曰大樹將軍扇云々余即題二首曰大傳蒲葵模樣俗武侯白羽指揮忙爭如大樹多蔭庇無意涼人々自涼又曰曠々曠日出扶桑海上橫雲匹練長想見上公侵早起朝天衣染御炉香十九日始翻蓋僧堂 廿二日功成是日為衆開講圓覺經疏 廿四日為清祖侍者求講東山外集七月二日粥誦罷即引一衆赴伏見大光明寺就于

聖祠而諷經牌書光明院尊儀而已經罷謁伏見院見太上皇畧通予意 三日管領玉堂兄弟來請講乃為說禪門宝訓無慾乃世出世之良藥云々 十二日過臨川三會院燒香遂扣方丈為古劍追和先師節月軒旧韻曰剗灰重掃建幢竿談笑功成屢萬間節月却添階下竹工夫那得暫時閑 十八日為清祖侍者求改八景日子蓋日向川龍興山大慈寺境致也 廿七日往雲居菴与普明國師說話即見出示大慈八景龍山春望詩 廿八日講念誦巡堂礼盖以本寺久廢此礼特奉令衆知之也 節元章自等持院來宿恰逢雨下招觀中同夜而語諸子求題元章以河東夜雨而為題諸子皆賦 廿九日一齋罷元章告別諸子懇求改河東詩元章謙讓袖其

詩卷而去矣

八月七日赴寺持寺室筵諱府君管領入寺點心罷
府君特命余講中庸書余堅辭君懇切弗已諸老管
領勸余云府君本意欲與和尚談道今辭甚不可也
遂講五六紙八日赴二條殿倭漢聯句會入自西
門巡視泉園池亭水石其美不可勝言名其池曰龍
躍記實也此者當畫有龍躍雨下之變曰御榻閣天
子所坐榻在亭曰洗暑亭曰聽松亭曰藏春閣曰綠
楊橋曰改平水曰觀莫臺曰古靈泉曰水明樓曰梅
香軒既而准后出接余於水亭互叙久渴之懷引入御
榻閣倭漢聯句百韻時會者安國相山洞春玉岡大
龍器文唯后撰政令子梵樟侍者也十日玉岡將
二條准后書來詳說八日和漢聯句之會且謂講禪

永當陪講筵天龜大清和尚來語適參府君之便說
云去七日建仁長老於寺談中庸書八日於二
條撰政處會集倭漢聯句吾不得臨其筵君有述懷
之趣云々又云赤松起絕海以寶雲寺不起當重書
請若不可則子盍召國師為紹介勸賀云々十三
日作八句詩上二條撰政殿下曰幾年林下望雲霄
今夕那期辱見招東閣華筵被宿霧西園琪樹戰涼
颼座間天近蓬萊閣際秋高河漢橋慙我疎才非
賦鼎謾聯拙句畚瓊瑤十四日二條殿使菅秀長
送一緘來其詩叙曰謹依來韻奉答建仁義堂和尚
座右致日外岳訪之謝云老禪昂氣自籠霄甚喜來
遊應我招雅韻驚人歌白雪罪談洗耳起清飈閔河
曾隔幾千里雲月今隣第五橋何日得過方丈室重

聽新句憂琅琊。會管翰林學士見和曰翰林珠玉
下青霄喚起吟魂不待招。工部逸才詩似史。謫仙豪
氣筆凌颺。送迎每見雲隨馬。來往時愁水斷橋。應是
文情無貴賤。武夫句怪廁琚瑤。是伏見上皇遣以御
扇而求題。其扇面曰明月芦花一掬秋云。八句
也。十五日辭餘入僧堂而坐。睡中忽聞總外賣
茶色偶示成章。歸方丈寫與直堂僧同發一笑云。隔
總聽得賣茶色。窓內獼猴瞋眩驚。露柱燈籠舟發笑。
東山日午打三更。十七日絕海以書告曰。天龍昨
夕退院和尚不可隨人上下。堅持一節。恐待僧錄來
緩。商量則好矣。管領使鳴田遠州來曰。諸刹雖退
不可雷例告退。是蓋府君之命也。廿四日講東山
集。廿五日起京極匡尉之請。廿六日講圓覺經

經畢於此日矣。

廿七日往西山賀太清和尚再住

且于僧錄和會欲令絕海海住惠林。遂督僧錄叅府
絕海惠林之命既定矣。

九月五日土改光祿居士以松茸見惠且曰亡父嘗
以千莖奉獻夢窓國師。以飽一堂衆時圓覺住也
至今為嘉話云。六月揆僧名除請暇僧名一百
七十餘。負分為三日巡請。一鉢以松茸為供。蓋効先
國師住圓覺故事也。十日作崑山說。曰余聞西
城有山其名曰崑。而羨玉產焉。故去之言玉者必以
崑為口實。其山高萬餘里。而三角北名閬風。西稱玄
圃。東乃崑崙宮。學仙氏之流居焉。往之以宝玉為之
飾。其園林也。屋壁也。徑路也。蹂于足者視于目者。旋
于手者靡不皆玉也。而居者不以為畜。故有抵散之

談由是世之貪寶者聞崑山之名則慾焉然以吾佛
氏之說觀之一切衆生咸有無上法寶而不自知惟
外是求故曰乾坤之內宇宙之間中有一寶秘在形
山上人苟知有此寶則崑山不在西域而在吾衣袖
中矣余既作說書曰火炎崑岡玉石俱焚未詳崑山
端在何處書注不的定指何處或曰崑山則崑崙山
也按今刊行注千字文者則曰崑山荆列山名也仍
引尚書及晉書崑山斤玉字韻會亦多集註未知其
正山海經云崑崙之丘其下弱水之川環之 十四
日惠林新命純海至出示入寺法語畱之夜話仍招
等持物先同宿相共歎之至于曉天而別矣 廿一
日講東山集 請元持侍者充後堂首座 廿四日
僧錄來告吾昨謁府之君議定諸山住持府君欲不

令子東歸付以天龍五代禪以等持為養閑地府君
曰果留則雖等持也好余曰奈何東敏興切也僧錄
曰必也不得歸其故者府君既令當管領玉堂告閱
東管領上秋云々 廿五日講東山集 三十日早
且赴三會忌齋之罷余与等持物先和會于退院事
云急流勇退古人所談也余日者聞諸山新命暗封
已定而以南禪天龍未動且期今日忌齋燒香今已
如所願余欲告退物先曰可也余亦決矣徑過無量
壽院中路差行者實壽往處仁急鳴教告退余抵無
量壽院却諸力者臨昏鐘忌寺衆覺換衣黑者子小
師中玉州屨步行到于清水坂故人小宅假榻而宿
乃作一偈代上堂禪衆寫寄前堂伯藝首座云開炉
明日歎無樵掃標拈來剝欲燒不如作伴歸山去枯

木寒烟共寄寥余既致寺事潛館于清水山中為中
項侍者作月澗說

十月一日在清水縣作黃龍虛丘二讚侍衣中季免
肩梵成伴來出小僧籍夫割等余乃僉押搭巾臨夜
無量壽院主周恕道人忽來慰客居也 八日古劍
自東光至前月借余所作艸藁今自持來又欲借一
冊而觀之余爭止之劍遂戲奪取而去 十四日等
持知事某帶公帖來請余炷香捧披受請前等持物
先來說進退事 十六日及昏召等持力士潛踏月
入寺蓋用古法不欲煩衆也 十七日僧錄普明國
師及管領玉堂至乃用古法表入寺之儀就于佛殿
燒香歸位維那讀帖次祝聖諷經次施于客殿而點
心余推國師歸主位躬居分手管領與國師對坐方
余推主席於國師或曰今日特為新任持豈可讓哉
余曰已謂之讓讓有何不可乎 國師管領皆歸向
余竊意誓辱屋官寺自今與衆作息禪誦粥飲不
懈怠唯除官客諸山來訪無暇自尔二時鐘鼓必歸
坐陪衆皆如坐禪諷經之例 廿五日詣于上府
君相見余先謙領等持次以老病歸隱退居之事而
白君々笑曰若是退居燕息則等持最宜云々
晦日等持院忌府君管領入寺點心罷余送君歸小
閣而茶話君問閩東諸事及玉岩基氏平日事狀且
謂以書問寂室和尚工夫等實有是麼余曰實有是
事余說昔所聞見者蓋玉岩問以工夫未純一雜念
起時如何對治又生死到來時如何回避寂室答以
大惠書中兩三段跋書以金剛室劍為喻云々府君

曰坐禪一事未曉如何工夫用心余畧說座禪之要十一月三日赴管領招時會者永相山金玉圖將作等也點心罷就于新成東閣以主人請講圓覺經文殊一章齋畢便歸隨後覲蓋誦講經也 七日宝篋院忌請普明國師府君管領入寺點心罷君燕息余造謁時管領在座白云本寺旧例每歲佛事會諸宗教徒論議謂之御八講近來久廢今請起之蓋自來十二月二日至六日如舊例則如何君頷余問如之何余答曰今諸教徒若無本寺八講則學佛法者掃地矣是吾先師康永年間所以勸兩殿創此例也今重興則家好矣府君乃喜曰吾恨聞此說晚矣八講論議一如旧例於是遂下号令諸教宗徒闔者咸喜曰教其興矣 余又勸君曰儒書中宜讀孟子府君

頷之君仍問易者何書余曰只消慎字而已矣十五日余与太清和尚同赴上府請時管領舍弟大膳大夫在下座君命余令講圓覺經余讓太清之不受君亦必欲余講乃說三重大意以圓覺二字即諸佛衆生之本為末世衆生說示而或云末世不宜大亲是以佛為忘語者也惟願仰信佛語發大亲心君頷之君仍回臨終時用心工夫等 齋罷將去君潛而問殺命罪深否余曰深矣殺者於今生短命來生必墮三塗最可禁也昔置放生池天子大臣生日或天下或一國一列一縣随分放生為延壽增福也君曰在家為法殺犯罪者如何余曰佛制出家在家其或有開遮律部中可檢云々君又問坐禪時如何用心余曰一切善惡都莫思量々々則涉分別々々即

輪回根本也古人道撒手懸崖絕後無甦是乃截斷
攀緣妄想底刀子也君又問淨土可念否余曰念即
分別也淨土穢土只是衆生分別念中所生佛境界
中初無二土云々既而辭去君遣侍臣度部來賜綿
襖紙收漢畫猿一對剔紅香合等皆奇物也

十七日冬至余早赴南禪蓋住持蘭洲曰秉拂請府
君相伴也君入山住持引就于方丈南廂點心齋會
會畢五頭首秉拂以府君意与太清及余同館于法
堂前面出簾而聽管領亦在座時前堂首座賞中先
釣詔卓在杖又劃又橫拈又豎擊君喜曰於吾宗門
如是俊快者為好余戲曰若一向天俊快恐亦偏見
也君曰是亦吾癢也 太清預記寫秉拂頭首及問

禪名字呈君々指其名逐一問之有獎上座則何不

稱侍者太清白云今時權貴競舉故不暇抽之君乃
以余及清而為使告住持以問禪四上座為侍者以
激今時競進或就權貴逃問禪者也凡秉拂問會提
綱叙謝等一々君皆問余洎清逐一說破君皆以為
禪宗可尚也日既迫晚書記秉拂罷君先起矣番太
清及余候秉拂畢同上方丈以君命告住持四負問
禪上座相次充侍者朕以救今時不學監進之弊云
十八日參上府復命以南禪寺禪學充侍者事時長
老蘭洲至謝秉拂之證管領在傍云權貴攀僧朕甚
不宜白僧錄令停止之 廿三日為講日用清規

廿六日講畢 廿八日來月七日宝篋忌預於斯日
而勤修臨齋拈香府君拘朝參不至代以管領來為
佛事證明 晦日本寺為等持院忌府君管領入寺

點心罷君問來十二月佛事儀式余以目子呈似目
說佛事報息愈遠愈厚為至孝宰相君母急君問臨
終時用心之事余以中峯廣錄中載臨終坐脫或不
能一段對君說破君又問閩東禪門誰為佳長老余
曰度九峯穎中山桂香林等人皆取推其餘不可勝
計

十二月一日祝誦以下如例 二日集衆就于室雲
閣轉讀五部大經教蓋來七日室篋院諱 輪次請
五山十刹長老 比叡山三井寺奉官余就于本寺
八講論議在巖佛殿敷設講筵而啓建矣府君在巖
而聽講余同席而坐君或疑者即問八講罷臨夜就
于方丈東閣假設道場屏障在巖命大原來迎院懺
僧六人及安居隱僧正良憲花園法平房淳修法華

懺仍命伶官及朝士能樂者每節一奏曲以相之調
乃七奏琴四張三張簾中人奏之府君吹笙之即號
達智門本朝祕器也內府大夫人出簾而聽及四更
而散 三日論議問者房淳定聰叡俊心尊隆兼
講師圓兼宗惠興忠 證義權圓寺房深 府君管
領入寺魚心僧伴僧錄物先 四日五部經滿散府
君管領入寺裔伴太清相山裔罷陪府君而聽講時
君問閩東夷俗余粗說其事君笑曰自今以後莫起
東歸興 五日清谿德叟 六日大法月舟府君在
簾中聽講余亦陪座及二更講筵散云 七日起茅
持院法華堂為室篋院忌自當寺辦供以例也府君
伴筵僧錄洎余管領而已府君僧錄与余和會諸山
住持宜復三年二夏回制兩序二節前資以下四節

余自諸山及兩班時、變易則叢林弗治、宜嚴制
之、臨齋塔亭、拈香諷經而散、後為衆講坐禪儀
八日、早赴通玄寺佛殿、經始之會、僧采引小師十人
余引等持僧十人而諷經、命工試斧、點心罷歸、等持
佛成道諷經、又就通玄寺打齋、寺乃今府君外祖母
比丘尼聖通所建也。十一日、鑪倉殿及管領梶原
回書至。天竜寺伸提勝三姪弟來宿。十三日、与
三人同鉢、後為伸首座、求講三體集序、忽告西山
火、或云天龍遽赴西山、入天龍寺、即東廊及文庫燬
矣。常住文書皆出、時郁閣他之鎖封、故開山以來、公
文皆燒畢、雲居菴無恙。東垣叢竹皆焦矣。過勝光院
与僧録相見、畧慰火事。十五日、小雨、春日神木帰
座神木監護使松田丹列、奏須歌兩人也。松田權架
校棚僧録及余觀、帰座之式、先就于五條、報慈而點
心會者、昌旒中浩、周祐、周高、梵玉等十一人、俗伴丹
列、那阿弥、等點心罷入假棧、者六、余東洞院丹列
設飯、神木出稍遲矣。神宮從後、黃昏把炬而出、送神
木者、皆藤家大臣以下神孫也。凡十二家、步行各作
一隊而過、先神官中藤家氏、後神僧稱裏頭、大衆者
三百餘人、皆懷大刀、吹螺、唱道而行、蓋以固俗礼也。
既散而帰、亥時也。此儀會、承府命而出、觀松田亦、承
府命、造棧棚云、報慈乃丹列為母氏、取造神木來由
見于前記也。十七日、為醫者約齋居士、請作勸縁
疏、蓋撰列清澄教寺長老、大空新撰萬善万行、勸通
光明真言會、募縁狀者也。立傳慈心房、入冥府、兼王
命、歸來所、創蓮社五所、是其一也。廿五日、早過西

芳寺先鈞竝菴先師像前炷香三拜先師平日所用
具器四道等不復一物皆在此矣蒲團則以青葛布
而為表其餘物皆稱是次瑤瑤殿次西來堂亦他像
前炷香羅視粉壁上則先師所書二偈墨痕如新讀
之有感次迨向上閣入指東菴則壁上旧張熊秀才
見亮座主畫并記既換了也旧本則周位画先師所
書之記也居儒怕為逸人所掠故換而藏之今所張
畫乃位弟子某筆記則清谿和尚書也床下小帳用
青布而已惜烟師之所拾枯柴斤尚存焉過碑亭疾
讀一遍次登縮遠亭更高上如下坂曾登到頂縮遠
二字宛尔九重城之南北東西粲然如图畫中物既
下登無縫閣拜舍利塔乃先皇勅封不許輒開復
入方丈鉢時寺主周鄒道人他之老儒某留余飯之
巖讀壁上所貽先師遺訓增感今時俗礼不与三十
年前同既而歸矣廿八日為歲盡礼參府次過管
領之語閱東使者梶原上京端為小山也儒錄使
者楚溥昏記於管領宅而相逢蘭洲南禪每任真退
之間感其可否如何余曰雖未知其事首尾先以每
任為勸則可也盖十六日蘭洲目事俄退矣大雲諸
徒打破首座維那二寮廿九日閱東使者梶原至
出鏡倉殿書囑以小山事是日應召入府之君曰小
山事從閱東請云々

三年辛酉

年五十七在等待寺 正月一日 十二日梶原來
謁小山對治請賜白幡一撥 十四日寺玄行者叅
頭惠秘梅作詩謝之曰桃李爭春各自忙一枝冰雪

為誰香嶺南樵子盧行者傳得黃梅第一芳 十八
日兼府命請天龍長老及衆九人就于府內勝音閣
修懺忽南禪評定衆使某都寺某監寺者未乃知太
清昨日入府訛南禪一衆府君即遣近臣朝日者入
南禪取僧籍勾下其二人名皆取雲徒也 入夜梔
原來出府君書征伐小山即日所書 十九日上生
院主月舟至乃知今日雲居菴請管領南禪評定衆
抱公券赴雲居菴求斷云々 廿日南禪上生院主
月舟天授菴主玄任侍衣炭珠梵淳昏記至為衆府
訛寺田等也月舟出示一卷簿書首則龜山法皇禪
林起願文次則寺田并住持等事用左右御手塗朱
而搭印矣所謂法皇平印者是也即永仁七年己亥
三月五日也松本仙洞今號禪林与大雲菴牟田乃
備中三成鄉是也本朝王者歸禪宗以龜山為首唱
廿五日當寺明日奉迎府君普明國師書至明日為
辭僧錄事不赴府君伴健余回書曰但來也縱辭耽
參會是可矣 廿六日詰且國師先至蓋為南禪事
也管領使嶋田遠列及梵嘉藏主來說太清昨者過
吾宅解南禪事云々余勸國師今後每事与管領和
會然後行之則好矣少頃管領來面陳南禪事府君
及令身龙典廐臨駕余引入客殿君自坐賓位次典
廐管領余推主位於國師點心罷僧錄与府君話及
南禪事改書三成鄉公文 廿七日南禪蘭洲并太
清和尚至為三成事平也余入上府謝昨日臨駕次
下府

二月三日府君使猶尾來明日大般若經 四日早

晨飯罷率一衆就于上府真護大般若蓋府君疮瘡
祈禱 廿日登真忌請万壽初心安國蘊中初心說
清拙和尚供雪峯頂相時必竊以般若湯一盞覆以
行瓶手捧密獻之蓋雪峯平生所嗜也清拙嘗自南
禪往臨川与吾先國師同遊柘尾作詩拙有華嚴五
十三知識那个門庭說有茶之句与先師共微服如
常僧黑衣徒步而行故柘尾居僧不之覺後閩乃悔
愧云 九日儒士秀長至出釋奠雲井坂雨詩而
求改釋奠蓋始於大宝年間昔於大學寮今則就官
廳假設廟位先聖顏回及九哲祭之後會都室而講
詩及作絕句而乃作燕云 雲井坂雨詩蓋南都
十詠其一也坂近東大寺之額字則弘法大師所書
昔有龍出自井中奮擊寺門額字至今爪痕尚存云
廿三日過管領宅告欲退寺赴湯醫之事領曰退院
必不可湯醫即得云 廿四日嶋田遠列傳管領
之命曰府君免湯醫但退院則不答 廿六月大休
寺年忌清谿拓香府君管領入寺点心罷余揖歸歎
處君即問湯治何日余答今月盡頭必定矣君曰湯
治則不妨切勿告退余曰老病交侵尚居官寺倦甚
伏望賜免放歸山林随意湯醫君曰湯醫則隨意不
必論幾日退則甚不可云 參頭行者守玄秘余
余謝瓶梅偈而裝褶以出甚鮮養也余以染絹一端
賞之 廿七日遼西山勝光院訪僧錄告湯山行時
祐侍者出建長圓覽諸友送行書一幅者僧錄出余
和送天松侍者偈一篇余曰他日支吾厦者必祐
也和尚宜加鞭僧录云以公保祐子 名達上府

云々廿八日會茶首座維那都管等屬以留守又
屬香衣二侍者以守方丈既雇板輿赴溫泉徒者僧
行僕數人而已路上北望箕勝兩山不能一遊作記
以約回時曰征途北望兩山青隱々樓臺挿杳冥寄
謝雲間高卧客回程有約叩岩扃 廿九日抵生瀨
渡忽見今管領令弟將作公泊快古劍回自溫泉時
行人爭渡公命舟人渡余々後作詩謝之曰水生溪
漲路難通人馬爭舟急似風逢着明公濟川手小僧
省得笠浮空晡時達于溫泉以萊師堂律長老名圓
巾命館于一御取者乃迫第一湯者也清祖藏主及
諸姪亦先来浴是日余入浴一次

三月三日作詩懷旧叙曰余以辛卯歲上巳游于茲
山轉勝之間已三十一年矣衰病重來非復曩時風
味感槩有詩寫呈同來柏庭藏主兼簡諸令子弟同
一笑也云此地曾經三十年云々 十二日餘寒甚
向柴火口占曰溫山旅館暮春天尚有餘寒透旧綿
山下老樵憐我病爛柴賤賣不論錢 十四日晴忽
霰飛如撒米頃之作雨而又晴余卧床亦有作付侍
童令誦之三月溫山雪霰飛須臾變作雨霖々陰晴
慣看人間事未怪天公變化機又有溫泉山十詠不
多記焉 廿八日發溫泉啟京 廿九日還到等持
晦日參府次管領皆報歸路也又以侍衣中李告歸
洛於僧錄

四月七日迎府君并管領僧伴普明國師 十三日
府君賜茶一葛箱 廿五日就于慎府新館請不遷
等十餘人而修懺以慶落成蓋府君謀之於余故也

廿六日以中季白府君來晦日佛事入寺否君曰以
廿八日當報云々

五月一日火事將發三次未知所由矣余謂是必薄
福所感退事沒矣佯告衆如西山出門轉向東山抵
于無量壽院即修狀遣僧告退國師火頃梵芳來告
乃知小師童中等新掛塔厭寺欲火寺衆疑冰釋余
聞即削度藉并簿二日余板輿潛出京如宇治河
中榎木灼欲渡無橋忽有農夫以隻脚為篙擊舟而
渡習水者歟的中有菴曰空華曰釣月皆祐乘道人
所住也假榻釣月乘道人出迎接入菴手刷庭下紫
竹筍為菜設飯少選等持監寺來云管領以嶋田為
使余寺官追尋合寺咸願速回再住云々余面說不
可再回之意監寺乃飯三日黎明余潛出榎木嶋
避寺衆并官使也假作女人乘輿之態一夫持弓矢
從後先差實壽行者往清水縣借故人小隱居余既
出釣月轉路南渡小橋經宇治橋北轉過小瀧山忽
見等持首座維那都管三人騎馬向南不覺余在輿
中以假女人裝束也余喜謂已避矣三人者却追逼
輿持弓者押之三人者揭輿簾而視之余不免出輿
三人者出僧錄書云等持火事併天魔取為己露
顯然者早々歸寺可宜矣三人者欲逼余往歸寺余
詰之曰詰府欺也詐也又先欲如西山見僧錄而後
飯寺未晚云三人諾而去乃抵于京穗小師優婆塞
之小舍到則午時也舍主設鉢罷不往西山而却
往東山清水縣故人山徒之房既而等持監寺犯夜
而至以官余看守達且忽報府使來矣而武田下條

突入而出府君自深怕余乃拜覽怕曰等持御還任
之事以使者令申候無相違候者可畏入候心事期
面拜候也恐惶謹言

五月三日義滿侍者御中余辱拜覽鈎怕訖對使者
下條曰敬奉尊命下條曰府命即時相送入寺則可
回不然勿回乃欲粒力答切余服寺余弗得已隨下條

先叅府府君引余於新殿余畧叙老病無德招火災
必欲歸隱迫命不免還任云々君喜且曰如去年所
白等持乃吾家利也非他寺等比以病養高休息寂
宜也勿以不領衆為念云々君送出矣復以下條告

曰即時往直昇寺喜慰無量矣余乃皈寺 七日宝
篋院忌請竜湫獨峯二老府君入寺点心罷送君歸

東閣君問火事來由余從頭詳說齋罷君還駕 建仁

月心來話唐國祠山大帝乃庐山歸宗土地神大覺
禪師感夢示其日本有緣之意者三度江東祠山府
前有穴深廣丈餘每歲祭祀飲食等物內其穴中未
嘗作堆如消化者謂之埋藏或云穴通南海之南雷
列每歲祭雷神以紙鼓祭罷必黑雲垂下有取紙鼓
上者皆奇事也 作八句偈送曇巧首座玉岩住尾
列妙具兼簡土岐光録大夫 十六日閑講圓覺經
不定時分蓋為防引多衆也凡每日一章十又二日
講畢

六月七日宝篋院忌府君入寺炷香召余相會于佛
殿 十六日赴内府大夫人命講金剛經曰說大衆
信心等事夫人曰自默菴和尚散化而後不聞講經
者久矣以白練襖二襲高檀紙十刀為貺蓋謝講經

也。管領使者嶋田遠列來請以明日國師相伴為
開新梳也。十七日應管領之招
七月三日為衆就于佛殿開講孟蘭盆經疏內府太
夫人府君令弟左典廐並館于殿右聽講後皆倣之
京極并諸公每日在殿前而聽焉。講罷大夫人書
至喜聽講經且賜江戶宇答。十日講經管領兄來
聽是日聽衆無央數也。十五日府君遣山科中將
召余々入府々君曰夏既欲了諸山雖退切莫告退
千万々々余曰諾然君尚屢屢以不退而弗已余曰
必也從釣命。廿五日為衆講禪儀外文人咸來謂
聽者幾乎二千人許地將無所容十有餘日而講畢。矣
八月七日宝篋院忌府君入寺普明國師伴筵々次
國師与府君及余高推都鄙禪苑住持限以三年例
訂議畧定矣府君問某人等材望余畧々奉答曰勸
禪苑與晉系於人材々々得則與不得則晉云々府
君領之。十四日翰林菅秀長來語且出和歌序而
求改蓋明日內相府賞月之會也余為改之。
九月廿二日余以事謁上府々君出接余粗叙其事
且白云本寺例先師年忌請光降作證君乃諾之曰
問孟子於陵仲子賢与伯夷相似孟子以蚩蚩比之
何也余曰以其跡則賢也以其情則詐也吾佛教中
亦如是天魔外道神通變化与佛不異雖然只是不
能及佛以邪術所致也君又曰昨日儒學者講孟子
書其義各々不同如何余曰所見不同也近世儒書
有新旧二義程朱等新義也宋朝以來儒學者皆參
吾禪宗一分發明心地故註書与章句學迥然別矣。

四書盡於朱晦菴、及茅以大惠存一卷為理性學
本云、余因勸以學問、則見闡博、則每臨政
事如指諸掌、凡世間出世間不學而得道者、方中無
一、今時僧俗道替以不學也、余又賀管領復職、君曰
以赤心任之、故復領如故、余曰、只箇赤心、最是緊要
也、凡古今君臣相疑、不善始終者、上下不以赤心相
待、故也、殿下果以赤心待天下人、則無事不濟云、
時細川右京大夫、命鶴霜臺山科中將等、在傍聆之、
廿四日、二條准后、以和漢聯句見招、以疾辭、
廿五日、過二條准后、謝以昨日不赴會之意、准后引入
御榻、閣對談、及古今倭漢詩文、曰、倭漢朗詠者、藤公
任所撰云、問曰、三體詩可學否、曰、可也、于家詩格
可學否、曰、可也、杜李可學否、曰、可也、曰、如何、曰、
才器大則可、小則不可、又見問儒書新舊二學不
同如何、曰、漢以來及唐儒者、皆拘章句者也、宋儒乃
理性達、故統義太高、其故何則、皆以參吾禪也、准后
又求余名新樓、且云、旧名十境、其政平水、則月中岩
所名也、水明樓、則先皇賜名、親御宸翰云、廿七日、
開山諱、請清谿等府君管領入寺、君問孟子書中數
件事、余說儒統同異差別

十月二日、為二條摸政、殿末點倭漢聯句、五日奉
行松田至出、鑊倉殿、八月廿七日、書屬以閔東機事、
七日、宝篋院、乞請備錄物、先府君管領入寺、山科中
將少將、並至府君面前、備錄與余和會、出呈諸山規
式、目子一卷、五山十刹、甲刹住持、以三年二夏、而為
限、又甲刹者、坐具袈裟之條、并環十刹者、袈裟又五

山東西兩序二節交代前資已下四節交代又五山
請假之制西堂四節單寮三節蒙堂二節前資已下
一節今日議定畢矣府君曰堅護是規式不可妄改
換君取其目子授之於管領既而府君戲問余曰今
日以後任院幾年僧錄代余戲答曰十年云々廿
一日赴雲門菴太清和尚請蓋正寢上新造閣名曰
甘露法閣点心罷和尚引諸老而登眺時雨半霽四
山青黃間錯九重城闕如觀掌中物廿二日作詠
八句者寄雲門和尚以紀甘露閣之會其詠曰甘露
法門禪指閑倚空高閣望悠哉九重城闕烟雲麗三
面山河錦綉堆射鉢剝天上供衲衣不染世間埃
主人待客情如海衝雨何妨日々來廿四日太清
和尚和余甘露閣詩以宗侍侍者而見送

十一月六日府君時為湯治暫居伊勢禪漢宅余叅
叙湯治之慰遂往東山觀持菴々旧号善應寺々有
小佛殿々中安弥陀炷香三拜道人欽菴主在此妙
定相隨來也庭中栴檀熟矣少頃点茶以表再領寺
之儀也忽管領使者來告明日府君入寺蓋為先君
捨田且囑令召太清為他事也余乃走書而報焉
七日削室逸院忌府君臨貢炷香道話々次曰為先
君追善打掃田地又曰二條殿昨者出和漢聯句序
目勸幸有等持長老何不學風雅云々府君又問孟
子中伯夷伊尹柳下惠清和任孔子集大成者等事
余畧答之且喜而勸曰君有心於學問必有補於政
教宜相續勿怠府君說夢中提撕無字公案云々
余目說鏡倉殿及管領二書示京之管領又与府君

話及閩東事余囑以勿聽流言府君曰向來旣京回
時面囑弗敢忘之云々於是面賜下野列茂木庄半
分充本寺宝篋院忌佛事料八誦論議出苑廡園
城南都三宗名衙府君点定付奉行人八日將赴
常在寺府君紅葉之會先就于上府為奉謝當寺田
地怡也九日圓應二昏至自閩東即審小山城潰
者二取十三日二條殿事使月輪少將出余門字
五言和什并少將自和詩二首必求余改之數夕字
目說作詩之法十七日奄湫和尚見示近作一首
并和章十九日与太清同赴二條殿而聯句之殿
下發題同會者万里小路父子侍從中納言彦城父
子儒伴相山雲溪或告天境和尚昨夕示寂廿
日冒早靴于南禪善任菴吊天境喪遺偈曰色身幻
化無在不在以空塞空以海添海廿一日早入府
時僧錄參會出鏡倉房列狀仍奉圓天鑒府君問王
摩詰畫品如何曰摩詰好佛法故以維摩詰為名字
嘗畫芭蕉於雪中者廿二日善任菴清康藏主送
天境和尚遺書并遺物新刊科註法華經十二冊者
來余立地接以三轉語問答罷乃接遺昏炷香捧昏
示衆曰世尊涅槃示双趺善任理槃手寫遺書且
問諸人世尊底是善任底是々不是不免下註脚去
也法身不動屹如山善任何嘗入涅槃誠把遺書和
泪讀萎花颺々晚風寒天境諱靈致甲列人嗣澄清
拙享年八十一余在東山時之旧文性喜聯句故雖
卧病亦与客聯句盖近世儒中本色宗師也廿六
日蘭春谷話明極和尚日朝自陞南禪為天下第一

山上堂日南禪不比旧南禪超越建長圓覺先此一
事不入塔銘如何 廿七日南禪使來明日府君聽
乘拂相伴 廿八日赴南禪施方丈南軒設座住持
蘭洲大清及余座上四人而已府君語及古今夏孟
子書伯夷柳下惠等事六祖大師為何處人逆修有
何功德念佛可往生否古人入室儀式如何余答曰
日本吾先師住天童時有入室之儀近來未嘗聞其
說 廿九日作閩東書幾年三十封專為宝篋院忌
料新賜下野列茂木庄半分小山跡事中詳監寺為
寺家使也鎮倉殿并管領以下又京之公忙并施行
等之案文共三十二通遣之閩東

十二月二日本寺例宝篋院忌府君管領入寺

法華八講上公巨卿衣冠束帶着座 齋筵之次君

問孟子肩中疑處孟子聖人百世師柳下惠等事余
引孟子倪氏集註而詳說之君喜曰吾疑泮然君又
曰昨日聽孟子既畢又將聽大學如何余曰大學乃
四書之一唐人學四書者先讀大學蓋者治國家者
先明德正心誠意修身是最緊要也敢請殿下四君
之學弗怠則天下不待令而治矣君曰諾 閩東飛
脚至小山鷲城破潛移入祇園城一族降者多矣
三日大清相山齋伴府君問以文武治天下事余曰
修德為文止戈為武之用安天下不必事于戈
故武王誅紂戢兵修文尚書武成曰武王伐紂乃偃
武修文是也君問周易可讀否余曰易知命之書也
仇天地人三才万物皆收在其中非口傳不可曉云
君又問左傳何書其義如何余曰左氏春秋先王大

法褒貶為例知我罪我者也遂与府君及太清就于
佛殿而聽八講 四日清溪独芳 五日性海古劍
六日僧錄不遷 七日目疾不赴 寺持院法華堂佛
事遣使於管領啓以目疾不赴之意伏乞以此意達
于府君 十一日喚如菴書記而和會余之退事遣
管領茅管領回答曰乞退不可决然不見許請以宗
首座充當寺板首 十五日設鉢管待新首座曰作
代上堂謝首座乃鏡湖也 十七日物先来飯曰問
皇考王考之別余引礼記祭法詳而解釈矣 廿一
日養僧錄命書悲田院棟牌之銘實以永德元年十
一月十日而建之化主号牛僧者名元聖字無已
廿二日遣衣鉢中季往管領宅告以欲致寺夏領曰
吾不能白于府君若白者必也見惡發請与僧錄和
會 廿三日赴寺持院雪庭忌齋 前遊法華堂
主人元章举和余送中竺偈曰寺持三昧力竺土大
仙心余曰止々只个一聯說得十分也 芳玉晚袖
茗而來且出看山聯句詩一百韵者而求点兼改々
且点仍跋于其尾又改看字作觀 管領玉堂殿求
書先君位牌曰故從一位儀同三司靜山宋公禪定
門尊儀余本雖拙于書切迫責余不能辭使者出羽
尤衛門尉 廿五日関東榎府并管領書至 廿六
日粥罷欲往西山為歲暮之礼忽唾血三四次急飲
覆香即止矣遂使中季代往因送鉢倉書上僧錄
出京不面而回周祐侍者来乃知僧錄出京 廿七
日有雲門招以疾不赴少頃力疾赴上府々君出接
畧叙歲尽之礼君曰大學中庸則皆講了也余曰畧

說四書次第大學中庸最為治世之書君曰凡書以
一卷二卷為一冊二冊其意如何余曰昔以竹板為
書以韋編上下故以書卷為冊其韋絕則誤編者多
矣孔子讀易韋編三絕者是也又有朱子簡錯而改
正之事既而揖退府君送出數十步次管領以下府
得聞小師周苗在寢仁今月望日夜回闔誦棒喝食
本寺以會議出兩人而后和解皆皆如元掛搭余曰
是吾小師畜刀杖之始也不可不罰乃取度弟藉削
名作狀二通與長老月心及洞主龜雲溪云周苗傷
人罪不可免既削小師簿云々龜來解苗與眾未予
免不應 廿八日府君以近臣朝日致歲終禮管領
未禮入夜修理大夫未禮僧俗禮者不記 廿九日
本寺創自今夜限明年五日長禪老拙亦力疾陪眾
目說禪院僧堂之設本為坐禪不與它宗食堂同遂
舉北禪露地白牛話作偈舉似堂中首座宗鏡湖曰
等待三昧是蒙常分歲何須特地忙烹箇白牛應不
辨夜深且点橋皮湯蓋方丈每夜例煎橋皮湯供滿
堂眾老僧年五十七盡於此矣

永德元年

二年壬戌

年五十八在等待寺

正月一日天氣殊佳也晚鐘一鳴定起出堂諸堂巡
香罷知事莊甲例至方丈而人夏獻贄余亦有報
開靜版鳴上堂展鉢喫粥々罷上殿祝 聖拈香々
詞畢維那舉大悲咒回向々々罷與大眾人事都寺
首座挿香住持炷香普同觸禮一拜開山諸諷經罷

方丈為一衆點心。罷首座維那和余除夜湯字韻以祝歲且室中諸子皆有和音前就于佛殿而看經。罷入僧堂而坐矣。差定十僧就于宝雲閣而修懺。庫司雲啟鳴展鉢喫鉢。罷茶禮。罷上殿看經。罷始入寢室而歇息。雜道者三五輩出試筆詩而求改。而皆還之。既而入堂而坐矣。修堂前鐘鳴入殿。放參諷。罷歸方丈抽解畢遂入堂而長禪。中橘皮湯一兩点。二日晴寺門勤行如例就于僧堂而忘心。三日晴為母氏設供。初更禪罷出堂為首座求改正諸友和余除夜偈者十七首以宗首座居板首号鏡湖乃吾法叔此山老師之嗣也。四日小雪看經定坐如例入浴。後忌風雪是夜初後兩次入堂看偈浴寒也。成南叔三子自建仁來余問堂頭和尚歲節示衆古則未審有甚所。言句答曰唐語說法故聽不得託不得。五日曉來小雪蒙庭松宛如老人頭白有感目吟坡詩依然春雪在長松仍以春雪在松為題命諸雜道者等作詩。修正看經滿散。隨例為修懺衆下嚶。維那請署名於疏侍僧謂例以紙扇為祝堂司庫子準之余曰不可也。恐以為例初一日既為維那人夏畢不可復云。六日晴惠詳暫假歸省法華元章師余和率字贈曰一夜春來自海涯滿城苑李醉如霞北山想見仍殘雪中。有高僧課法華。七日雪晨誦罷冒雪赴西山先三會塔前炷香三拜院主人事次雲居炷拜与僧錄人夏話及小田并建長住持等夏僧錄問誰為序遷曰穎中山录云奈門徒何哉飯了便出以一囊十刀而為

人事次方丈及嵯峨中諸塔菴寺院大半巡礼草賀
或面或不面 八日小雪梵叔出瑞泉德叟旧年書
中說少室十二月十日示寐偈曰生也快活死也
快活更問如何快活 九日晴四更禪罷為中
叔說杜說一首即新松霑字也為中字未改春樹暮
雲圖詩 十日晴侍從中納言殿至出和余門字韻
呈二條准后詩八句者求余改之數字目說日本礼
樂擬於漢凡礼樂始於漢盛於唐云云 十一日晴
赴東光古劍之招時會者玉堂將作土岐宮内少輔
山名民部古劍出新年試筆七言八句說和者十九
人 將作問金剛經四句偈等事余畧答之又問曰
俗人可得悟否余曰悟無真俗安有不悟之理哉又
曰或云不悟如何余曰悟不悟是什麼梳只貴自點

契耳目舉莊子輪扁云云

十二日陰和胡字八句

寄東光古劍

十三日雨元章和會湯字筆字各二

首見呈

十四日雨歇而陰午後晴連和胡字三首

戲答古劍

十五日古劍後和胡字三首余又和三

首是夜以無油故戲及東壁隣光云云

十六日晴

不遷元章來賀余与僧叅大清叅下府君出接畧
賀而退人事銀劍一腰衫紙十刀伴僧叅抵通玄寺
賀歲尼長老母子三人 夏一龕十刀余獨先歸与
不遷元章相看不遷出和余賀首座君字八句說余
出胡字唱和之什元章不遷寫取而去 就于管領
宅賀歲人事青磁炉瓶一龕十刀取令芽將作在寺
次過赤松宅他之不面 十七日晴大御所次大方
殿次無等局賀歲次建仁方丈諸塔菴巡賀南禪蘭

洲及右劍至不值古劍復和胡字畱而去余亦和者
三首十八日晴府讖請南禪長老蘭洲及僧九人
例也余先与蘭洲人夏十刀一龔時右劍復至戲語
高推胡字和章古劍又出昌普省母八句者予和之
予与右劍以詩戰且云足成十偈而止可也右劍拳
旧作曰塔前班竹今朝泪壁上莓苔旧日詩竟湫所
歎伏也十九日晴作詩寄謝雲門大清和尚送右
尊宿彙小師宗侍侍者持来故有香林拔底獨雲門
之句廿日晴大清和門字者三首為南子也右劍
至以胡字諸作与余講明余改教十字万里小路侍
從中納言殿賀歲語及旧年雪詩唱和人夏十刀一
龔右京大夫殿日心和尚来礼廿一日晴辭罷赴
南禪方丈火上生慈聖山中太半巡礼草賀廿二日

雨廿三日雨止廿四日雪命諸雛僧等令作春
雪詩雪盈庭者天餘廿五日晴作書差中吾之閑
東賀小山平府君管領以下三十二封伊勢禪漢報
曰府君以来廿八日入寺賀歲廿六日晴本帰昌
智二昏記至宿遊余怕寒不能陪話作偈譏之二姪
和答是夜管領使至得審府君任右大臣廿八日
會延在三十日廿七日晴二條准后以使送聯句
未改且點六十句改教十字廿八日小陰或微
雨廿九日晴預設尊氏諱請竜湫古劍語及胡字
和韻古劍又語曰葺回自江南海中值結夏者六人
作偈曰圓覺伽藍海上漚安居禁足渡頭舟蠟人解
唱還鄉曲歎乃一色山水函或至康稷菴處誤舉此
偈以解唱作喚作稷菴曰必誤矣非古劍語喚作字

不好云々、穰菴乃了菴法嗣也三十日晴府君入寺
頭殿管領兄弟御劍山科中將頭殿御劍大館僧伴
普明國師太清而已席上議選建長新余僧承以序
席舉太清云々蓋在座中故也府君不允者為貴在
京也次穎中山舉乃定矣 府君為舉任大用充建
仁僧承以二夏未滿而為難君曰大用年老且病今
年閏月長期恐不及遇夏奈何又大用夏新法以前
定之則不妨也乃以手書与僧承云々乃肯 余与
府君話及二夏法曰願賜退謝之暇君曰當寺者吾
香火社住持不必論幾年余曰野性不欲久在官寺
君曰雖居官寺只作村院野寺之念則可也 府君
問無準二字如何余劃席而示之又話及少室示寂
大惠無準徑山正續院木犀等事宗門祖師臨終灵
驗如此府君信敬形於色裔退叅府謝入寺次下府
閏正月十一日台劍來出伏見上皇御宝墨書并御
頌云曰國師有箇合同舩借問誰將錦纜牽五葉花
開無影樹灵龜山後鴨河前 賀中山和尚住建長
詩并叙曰歲在壬戌永德二年建長禪寺主席見缺
以歲首晦日大丞相泊僧錄普明國師會于寺持官
寺方丈公選住持之材得前壽福中山長老得補其
處寔公舉也議者謂日本禪林莫盛於東云々禪林
莫盛福鹿兩山是天下叢林之師法也 關東對滄山而迹
來世故紛擾師法凌夷頗有師不師之歎可惜也方
今邊事稍平中山適膺茲舉為國開堂師法復振不
亦法門幸也哉 為屬周信聞議者言喜不自勝輒製
禪詩以代草疏遙勸其駕縱臆而起之曰福山秀出

諸山上登到中山勢最尊隼
視旧乾坤猛凌翰墨光青史
龍封才名動赤幡好是
太平無事後高歌此曲會
皇恩廿四日南都告
昨夜春日神祠災廿九日改
久我殿以下諸責人所作詩

二月十六日梵成歸自閩東出諸回昏曰建長中山
入寺以余所寄禪詩擬疏付西藏主令讀拓云鐔津
語脉筠溪詞源萃衣之贈感佩何言蓋日本以詩準
疏讀者始於此也十八日應請於上府太清等諸
老皆黍點心罷存君出一卷書余講展視乃魯論
第十九章子張問也余固辭再三日儒書則少年畧
涉獵不敢君強之曰儒教雖異其歸善是同何必拘
其跡哉余固執不敢君必欲余講仍戲曰吾聞閩東
人譏遜太過和尚此在閩東是其習俗乎而尚弗已
得講十餘章遂及佛教宗門中事曰檀越但信自心
是佛無事不辦目說昔唐太宗以良弓問弓匠匠
曰木心不正云々君又問吳太伯避季歷如何余曰
季歷之子即文王蓋以避賢也君又問中庸說喜怒
哀樂未發謂之中其理如何曰是則儒書緊要處檀
越宜深留意勿容易看過君出示八卷佛智祐佛日
果真歎了三祖師頂相小像題者若于人又出語錄
乃傳灯錄明蒙山自記卷尾者又出一卷圓悟心要
又出一卷臣軌帝範者余曰凡佛祖言語聖賢像等
聚作一類不混襍盡等中則可也君諾之君仍問臣
軌帝範是何等書曰蓋君臣治國安家礼義等意也
往者本朝儒士好讀者也冒雨自上府飯寺乃知二

條准后相國看花見訪值余不在又花落留題後歌
一首并倭漢聯句一首發句而去其歌曰雪卜八ヤ
フリケル花ノ跡ナレハ夕ル力七モ十キイ卜櫻
力十後書曰二月十八日太政大臣又發句曰雪ノ
千ルコスハ八雨ノイ卜櫻余即作一絕寄謝曰上
公飽看内園花眼醉春天五色霞豈料山櫻零落後
香輪枉駕到僧家 廿三日赴常在光府君花宴之
招府君未至主人竜湫引上後園觀花々或盛或飛
主人說昨日二條相國來遊發句曰吹口夕世楓ノ
橋ノ花尸ラニ獨在池中花カ可愛故云余口占一
偈奉呈竜湫師兄曰世尊漏泄一枝春迦葉當年發
笑新今日灵山花似海不勞拈起已驚人既作不欲
寫上我墨點記而已齋罷余往過東光訪古劍々引
入西軒隣家下視城中時花正盛看出於牆頭的々
可摘也意中口占得一偈云簇々長安十萬家烟奔
浪走入簷牙道人不假馬蹄力坐着春風二月花此
二偈本集不載 廿五日首座問睡眠二字同異余
引諸字恣別目合散不同如夜宵應可冰凍等字
廿九日寺持院忌府君就書閣說昨日例集諸儒論
語殷有三仁諸儒義皆同或一人說紂一人不仁其
國人皆仁云々君又問仁義二字余目引輔教編合
說儒教二教之義曰在儒仁義礼智信在教不殺不
盜不淫不妄不酒儒謂之五常教謂之五戒其名異
其義同仏初為下根凡夫說人天乘即五戒 十善
也然則佛教得兼儒教々々不得兼佛教君又問中
庸二字余曰喜怒哀樂未發謂之中發而中節謂之

和、即庸也謂未發即佛教一念未生以前也這个田地非識情能所及但能忘情者得到云、君又問一切經与藏經同別余曰同也今佛一代聖教謂之一藏亦謂五千四十八卷五千四十八卷即開元年中初佛昇法師所撰定目錄故凡曰一藏則五千四十八卷也其後增至六千或七千藏云、當寺藏經錯乱不具者近者修繕幾乎完全凡經籍天下至宝也曰說遍者東福虎閨和尚所建海藏院經籍所藏謂之文庫秘惜天下儒教二書皆藏焉特元享叙昏乃日本高僧傳也凡公家武家皈依佛法者僧俗佛像經卷封爵等諸宗始末皆載于此書開板之費官賜江列某田地今年開板已成其板亦燼矣可惜也

蓋為無州之張本故持及此君領之君又問佛光祖

生涯今領此院非宿志也儒錄曰大慈院無田地食

邑恒產是乞非人所爭今子居等持官寺一夕宿疾發雖欲退居洛下無一宿地今此院幸無希望者何其辭讓哉余尚不肯矣

五月四日登真院忌起宝篋院余信府君齋莊府君云僧家皆長壽是可羨也管領在例乃云昔趙列百二十君問趙列為誰余曰祖師名從諗時人尊敬不敢名称趙列如今俗家為某列寺者曰某列目說趙列八十行脚每云七歲小兒勝我者我亦問之欽山長老年少者拳拳字脚邏邏石上種油麻問天下學者列特參問還師資礼乃答你祖翁也不識盖達磨二字也趙列乃言佛非不知示後來不耻下問也君目問狗子無佛性豈趙列語耶余曰是目說其語又

及祖師西來庭前栢樹等君又問真如山号余曰萬
羊山盖大唐徑山萬年正續乃無准塔名故今取為
名又真如亦大唐佛光旧住寺名今以為額君又話
及東西二府各置十刹事余曰寺多則住持濫批者
亦多切莫容易添寺且啓曰今時住持動涉濫進或
曰某有力宜修造者或云某人年老宜稱長老云々
殿下慎擇其材堪住持者則有道者進濫竊者退是
公選也君頷之君問古劍年多少曰六十五余曰勸
薦拔云是諸老輿論攸歸非小僧私情也君諾之管
領話及元亭叙昏之夏余曰日本僧史莫先於此昔
吾禪家者流有功於宗門者如永明明教大惠中峯
皆以禪教記之於文字千歲不刊傳也今虎閔亦如
斯府君又問余曰行道立班有次序否曰是曰然
院又以延文戊戌二月十九日賜余小子書者昼
者名氏今普明國師識於編末甚詳矣周信掌竊考
禪書古之宿德一期方便誘引初機作牧牛以為圖
有四牛者有六牛者有十牛者今見行于世者独此
十牛圖是也惟夫既曰圖矣則此十者盖皆其影跡
未為全牛耳陛下若向周位未施丹青廊菴未着章
句已前聖心領悟則取謂露地白牛不待披圖常在
陛下面前露迴々地矣苟或不然請姑觀覽斯圖
余既題十牛圖後兼書一偈謹奉謝 御札之賜曰
仰芻 御寶十牛圖僧史方疎愧董狐那料 君王
岳寵賞一揮三十六驪珠 廿九日建仁昏記中綱
至出系拂提綱等拈拄杖語余曰拄杖則住持所用
獨許首座以下頭首則不可也先佛先祖法語中亦

說云々

四月二日伏見上皇所命十牛圖為後序付之梵珣
昏記々々來出 上皇御書而見謝曰十牛後序喜
已一覽所謂露地白牛未嘗墮數量雖然乃得毫頭
点出蹄角甚分明也云々余辱蒙賜手札無勝惶恐
之至謹製詩絕句者代書上答 陛下曰三熏 御
札一爐香拭目重瞻舜日光叨沐 聖恩何以報本
友萬世玉聯芳 三日空谷至詔語且出張燕公書
檀釀事并恩新江題編年通論序云編年本蜀僧秀
策芝形撰瑋石室取為已有云々 十九日僧錄并
龍湫和尚囑以大慈院之事蓋大慈院者六角佐々
木殿所建為三會院之別院兩師兄憫余客于京師
無免袈袂付余々曰小弟平生不受三會庇廕獨立
余不敢應命 十二日美南内上皇勅赴伏見大光
明光寺 十五日捷易首座來語且出東福山門疏
草案而求改々十餘字仍說作疏法樣 廿日建仁
梵珣昏記捧 伏見上皇勅書一函并十牛圖一卷
者來求余題卷尾十牛圖蓋周位筆龜湫和尚書畫
下兼附書佛印元禪師痛論文世謂之四易四難者
先師書表題三字并倭字加點今普明國師題卷尾
上皇親染記於表紙曰此夢寐國師觀應二年進
光明院々賜余延文三年二月九日也文字并畫圖
筆者見了後題明矣普明國師加證明康曆二年八
月朔日 廿二日過古剎於東光而說話次日勸以
應世劍不肯余引古尊宿汾陽大惠等初不欲住院
後皆出應曰奉大惠贈趙超然一偈超然妙喜兩同

叅驀地相逢各負慙我去住山君躍馬前三々年後
三々劍撫掌絕倒劍後說昔南遊見證無箇々說圓
悟住雲居時有老娘來自西蜀寓于寺門外悟以一
偈与之曰三十年前共一頭頭々夜々講風流而今
老矣全無用君底寬兮我底柔呵々 廿四日月舟
岳雲天錫三同袍來遊入浴々後將飯令留而宿々
談聯句橘皮湯一蹴而已 廿八日十牛園後序草
案畧成喚梵珣齋記上 南内上皇陛下曰恭羨
伏見太上皇特遣家僧梵珣齋此十牛園一軸并御
札一封者來于等持禪寺命住持小苾芻周信俾為
後序具載歲月及授受之由周信愚昧聞命戰栗固
辭再三不賜俞允周信謹案 上皇親添批于表紙

曰此軸夢忘國師以觀應辛卯歲進于先皇光明
師為何處人余曰唐台列人君曰和尚嘗說羅漢事
吾忘却今忽記得余曰佛光來朝先代平氏夢羅漢
自外國來有京夢者曰必有聖者入國未幾筑紫府
便馳自唐人僧元無學來朝京夢者實其事曰何羅
漢翻無學而台列人也台列乃石橋必其人也君曰
何以故圓覺号山曰瑞鹿曰佛光開山之日有白鹿
見之瑞至今白鹿來遊云々

三月七日宝篋院諱齋之次僧采白府君曰圓覺都
聞諸評定衆以閔東慎府舉欲令當寺長老住圓覺
盖為來年先師三十三忌願寺門修造云々君作色
曰閔東習氣未忘僧錄見其顏見不敢重闢余亦俯
首而已少頃余駭其義曰來年先忌以旧例舉同門
老宿一人各住京師鑊倉五山是乃小第所望若復

以小弟舉而欲任圓覺小弟必與糜鹿成羣 僧承
話及景愛寺任持夏府君問景愛二字余曰嘗見佛
光祖師與景愛如大丘長老書曰人語以景愛為愛
憐風景之義大不然蓋佛姨母出家号大愛道故云
今丘寺各以景愛景即景山仰止景行々止之景今
之世為比丘尼者宜景仰大愛道之義也 八日特
煩如龍昏記往管領宅告曰昨日僧錄白府君以閱
東幕府舉得老拙任圓覺是乃老國師傷慈非小弟
本志何者府君留余不敢許東歸是乃小僧來遷也
豈敢更冀任持之遷乎惟希閣下以愚誠達于府君
并儒錄莫以任院為責則幸甚懇意實多不能備啓
十日書光明真言會狀后為約齋居士求也 十一

日過天龍寺方丈力詳圓覺之舉曰府君不許東歸

則和尚班在正脉某西堂下何也曰真如在等持上
正脉菴主真如東堂故余推之府君再三疑之曰和
尚則建仁旧事如何令在真如東堂下余目說昔年
公門請諸山長老於佛夏則或現任一列或閑人一
列未嘗相問近年以來現閑相雜則先現任次前任
如是逐次以高早為序今以等持位在真如下故如
是非必推讓之過也於是府君領之 五日巡次預
請物先來七日齋乃諾且遣弟子某來辭云以僧錄
今削十刹名為諸山頭今早楞嚴會立班已定云々
蓋以去月晦日府君僧錄會法華堂于次議及東西
各置十刹等夏誤以等持為諸山頭非復十刹云々
余及歸寺檢常住文書中得康曆元年九月二十一
日公文云等持寺事任申請旨可為準十刹云々故

今請前任物先定十刹列遂命中季以準十刹公文
往僧錄處呈似僧錄乃披見曰余忘却了也遂定十
刹位而物先復領七日之請其報昏曰僧承誤忘等
持十刹之事云々 又命園頭初摘園中杏實供佛
及衆僧蓋以昨日侍僧先摘兩三顆獻余；却之曰
常住菓子未獻佛祖及衆僧先自嘗過豈可得免哉
遂命知事曰自今以後各々寮舍側畔茶笋菜果等
皆宜歸常住供衆不許各寮自收以先佛制也七日
宝篋院忌府君未入寺僧錄先至懷出一書乃佐々
木龜壽殿以大慈院付余之狀也於是余辭不得府
君入寺點心罷僧承与府君議以東西十刹君顧問
余々曰添置十刹似平崇僧宝而恐監進之徒得意
有通之士羞避如彼唐土宋朝每列置天寧有一尊

宿名

太息云住持之濫始於此矣今又兼新規改度

第院為十方則許預十刹云々余伏以臨川已為十
刹首是度弟也當寺及普門亦皆度弟諸方以為何
如哉府君僧錄皆領之君問東西五山之起余曰首
曆應年問先君秉鈞創置五山第一建長南禪 均等
第二圓覺天龍 均等 第三壽福第四建仁第五東福
其後淨智淨妙萬壽遂旋以準五山而添入遂号相
洛五山君又問唐國亦有五山十刹否余曰日本五
山十刹倣彼國也君又問唐五山在次日第一徑山
君曰徑字義如何曰始山有兩徑故亦曰双徑君曰
与金山同別曰金山則在揚子江中与焦山並屹立
波中皆名山非五山也盖日本韻響徑金相近也君
問徑山寺名曰興聖萬壽禪寺又問其次曰靈隱景

德禪寺曰天童景德禪寺曰淨慈報恩光孝禪寺曰
育王山廣利禪寺是也君又問天龍佛像曰釈迦三
尊曰建仁如何曰三世如來建長如何曰地藏菩薩
此菩薩靈驗奇事昔化蝦夷境失錫杖人得歸之云
君曰吾嘗聞此事可敬也又曰圓覺佛像如何曰中
尊宝冠釈迦先代時造世謂圓覺釈迦自上十貫謂
金玉之飾也左右十二大士依圓覺經說曰其說如
何曰蓋十二菩薩文殊普賢等各章疑難問答也又
君問古劍可出世否曰古人如汾陽大惠等皆初誓
不出世後來事不得已應世者衆矣殿下當堅請出
也得不出也得裔建茶罷府君遂駕僧録命余往佐
之木宅余偕格物先就于本館謝大慈之付時家臣
伊庭等在側及歸命衣鉢中季等往大慈收交割什
物等 十日裔罷入大慈院作初遷之義十一日赴
天龍方丈及三會院謝大慈之賜 十三日昌謙回
自河列出武州太守并諦觀中之書 廿三日以管
領玉堂源左金吾雲溪居士求作簾詩人句七言呈
書幌下兼簡獨芳禪師曰明公坐幄運良籌便覺車書
混九州玉帳香凝雲幕夜珠簾影動水軒秋越裳翡
翠風生座東海珊瑚日上鈎見說歌詞成唱和還應
二老共風流又題扇面寄相陽故人曰海回飯心若
个邊芦花淺水白鷗天殷勤寄謙漢竿客我亦秋風
理釣舩 去月以來講中峯廣録管領玉堂及令弟
將作每日來聽 廿四日大慈院檀那佐々木六角
嚴來礼且賀余領院事
六月一日為首座宗鏡湖求講首稜嚴經疏序

六日預就于大慈院蓋明日值故雪江十三年忌忌
七日為寶篋院故預於今日而勒修點心齋會僧衆
三百餘人幼子龜壽殿及雪江養子淺堀二人著座
七日寶篋院忌府君管領臨駕余先与府君話及園
東小山滅亡事君曰必神罰也 十三日臨夜忽有
敲門者云府君在岡松殿一品禪尼病亟命余及太
清急赴即書告太清余遣衣鉢侍者於岡松宅報以
病而不能赴衣鉢回云府君必欲余參不免力疾而
赴則僧錄太清既早參矣府君見余怕風寒許歸
十四日岡松殿一品禪尼既逝矣府君勸令提擲公
案云一品以身後佛事等囑府君之命余起骨佛
甕下條將命 十五日於正覺寺而茶毘矣僧錄以
府命巡報諸山皆之可赴茶毘之場 府君又遣下
條曰專要起骨佛事不必赴茶毘蓋以余怕風寒也
雖然冒夜同古劍會于正覺化壇諷經行道者一千
餘人鎮龕清溪起龕蘭洲奠茶東福起山奠湯萬壽
相山念誦不遷下火僧錄府君以狗世忌潛乘與如
女人作證 十八日早赴叔骨之會余先与僧录叔
骨早起骨佛事就于安聖寺假設中陰道場府君既
在安聖假館而齋戒精進起骨罷余与僧錄同往安
聖而吊慰却回君切留點心君乃長齋手書金剛經
君約余而曰每日來談吾取願望也安聖者東福門
徒奇秀峯別業也 十九日詣安聖假道場府君命
余講法華藥王品時大清古劍至君又余及告二長
老曰每日道話勿不來也 廿日赴安聖君命令講
圓覺經講文殊普賢二章畢道話及宗門公案獨坐

大雄峯即心即佛柏樹子狗子無等語也。二條撰
政准后以秀長為使問者。二余書而答焉。廿一日
秀長至出撰政殿書。中訊諫府君以大臣罰位叨
預葬儀日本無其例。廿二日御誕生。与太清同參
府君於安聖有命宿遊。日出撰政書呈府君。笑而
已。且怪之曰。撰政本以無道念也。初更禪并咒罷君
命。余講大惠長書。高燒燭講讀六紙。君又問佛誕生
成道涅槃達磨六祖以下諸祖機緣公案之事。道語
及八鼓坐不覺倦。廿三日点心畢。將飯等持見留
而不去。仍命令講圓覺經。余推讓太清和尚曰。此經
一部通講。則法理連貫矣。余別欲講首楞嚴經。府君
領之。然太清不受。必欲余講。不免講普賢章一遍。道
話及晚。將出府君使近侍下條者。領水一盆。廿四
日府君預差定一品佛亥。余余五七諱陞座。余禪者
再三不允。目重出撰政第。二書呈上府君。蓋謝無道
念之咎也。

七月一日兼府君余早赴天童寺。与僧録和會諸山
公舉等。亥。二日龙丞相府君為從一品大聖寺無
相圓公禪。居預為辨五七忌佛亥。就等持禪院千僧
勝會。余余陞座。其讚說云。恭惟今日大功德主。龙相
府大人相公。乘願輪來。為法檀度。外存君臣之道。內
扶佛祖之宗。雖居私第。而弗俸朝參。雖執政柄。而弗
廢佛事。茲者自一品禪。居屬纊之後。牢記遺囑。躬領
佛事例。依禪苑之儀。屈請諸大長老。作種種佛事。而
闍維之。遂就安聖假設。追修道場。謂之中陰。仍請天
龍太清和尚。臨川古劍和尚。及六負僧侶。每日三時。

諷經念呪每遇七日必書法華經一部請諸山長老
一人拈香佛事府君長齋自寫金剛般若經於其禪
誦之餘每日命太清古劍及小僧講說圓覺棧嚴二
大系經并大惠祖師長書今當五七忌時就于等持
禪院建千僧勝會同音諷誦大佛頂万行首棧嚴神
呪請萬壽相山和尚拈香說法辱余小比丘周信陞
于此座敷揚般若正宗固辭不允鄙俚之語奉瀆鈞
聽惶恐云々 三日就安聖叙昨日陞座之事仍講
棧嚴經 四日赴安聖府君謂余曰諸山限三年夏
了合例退惟等持吾家利也幸毋乞退余以必退之
意懇請者數次君曰唐土天竺則不可知於日本國
內不容潛逃云々 五日棧嚴經 六日棧嚴僧承

來會

七日當寺室篋院忘不赴安聖府君以使見

八日赴安聖時太清講圓覺經忽見余來歇却其經
余強勸之又講一段及普賢菩薩章也復次余與府
君同命古劍講大惠書劍固辭君不允遂讀三五紙
今日緣二老之講余不讀楞嚴 十日赴安聖棧嚴
十四日安聖演唱施食文 十五日齋罷往大慈院
午後打施餓鬼供檀那入寺證明晚頭本寺施食諷
經府君入寺聽經々聲高亮君喜之蓋君自發心崇
敬吾宗欲救叢林弊者先要令僧開口作色誦經近
世俗習禪僧不念經無言行道也 十七日赴安聖
寺齋講棧嚴第四卷是夜府君留余一宿云道場限
十九日終餘兩夜欲与諸老道話坐禪以慰分離云々
入夜府君太清古劍泊余并六真僧坐禪無蚊帳忍

啞膚屹弗動矣定鐘罷余及諸老与君話到四更亦修禪陀羅尼 十八日在安聖齋訖講棧嚴經臨夜坐禪如前坐罷道話君黯然歎曰光陰可惜時不待人吾与諸老同居只隔一夜耳君又話及棄世闲居學道余曰昔梁武帝棄王位入大同寺作奴後世嫉吾法者朝武帝明教評之曰是非武帝過即吾徒接化之過也然則凡大業修行不必剃染但治一心而已在家也何妨 十九日府君就于等持院為從一品盡七忌重設千僧會天龍普明國師陞座性海和尚拈香齋罷君与僧錄特召余泊不遷而面囑以等持寺并院不可告退之意君復曰必欲強退則絕交云云余与不遷不得已乃諾而退又余兼府君余答僧錄古則在建仁相府請疏日本有其例否僧錄引佛光住建長相府請疏故事余乃往安聖見府君復僧录之畲君即命余製相府疏余辭不敢君詰之余曰文字則少年所好止筆者久矣誓不復作君尚欲必作不得免乃諾君道話移刻各自剖露衷心頗倒平生及晚乃出是夜府君自安聖歸花第廿日府君使近臣下條特賜布袋畫一幅無準讚先正覺跋者并白綿襖二襲高檀紙十刀盖謙中陰勸行也八月三日參府道話移刻日向建仁相府請疏文大意君曰今南禪建仁皆同門獨建仁有疏南禪無疏則不可也不如停之余曰可矣府君面請来日打齋并講經帶小侍僧二人来云云 四日早余帶二僧參府相山太清亦至君引入水閣納涼齋罷下窺忽報撰政殿至萬里小路中納言侍從中納言亦至君

命余講棧嚴經君別命諸公倭漢聯句撰政准后發
句曰風キヨシ松下水卜人秋人色蓋是日值無相
禪足盡七日君命余講經意欲令撰相來聽撰相殿
本不喜佛法君自作不請之友不免又以倭漢聯句
同事而撰也 七日府君管領入寺僧座僧永元章
十四日余引十僧入府太清亦引十僧共二十人以
府命也臨齋諷經罷命余講棧嚴經賜綿襖一襲
衫紙十刀以講經謝蓋無相月諱也 三十日仁山
諱府君侵早至与余話及諸禪長老事余云向者公
選住持獨某非器願敎下着意君曰某長老乃闡拓
也余曰闡拓乃先選定其人或二人或三人乃拓之
可矣苟不先選其人則必有濫吹者府君曰固然

九月七日室篋院忘府君入山話及儒學文談等夏
又及其人出家事府君曰古今人多出家無道心者
兩取失功可惜也况亦歸俗者是何道理云々 十
四日隨例無相月忌率二十僧与太清入府諷經齋
罷講經君為一品率哭忌預自今日限二十五日每
日請太清及余伴齋罷講棧嚴太清說碧岩集
廿五日等持院一品百日忌建仁拓香南禪陞座十
衆諷經府君與管領話及真如長老竊吹夏諷經并
齋罷府君還駕約余及太清叅府講棧嚴疏第五下
之六根證入章君密話及天下政夏云萬一有變欲
棄天下當如永平長老勸平氏余与太清密贊慰勞
云視世如弊屣是乃安樂長久之基云々自十四日
至廿五日皆叅府講經 廿七日管領告府君真如
善容長老告退 廿九日三會忌齋次府君話及関

東夏余曰勿聽讒言則天下安全若一念動則天下
動一切毀譽不動則內外魔不能侵 點心罷君入
于書閣召僧錄及余曰吾欲創一寺為十刹之列可
也否僧永及余曰何不可之有君曰衆限五十人可
也否曰可矣 余曰三會法性院房深僧正來禮詔
及密教尊星王法云智證大師入唐受法於金法師
云々

十月一日命鶴霜臺來茶話次及尊氏將軍赴九列
途中夢迫敵軍避上一山々頂路絕殆欲墮墮顧引
仲氏古山半盡力抵壁忽見一比丘僧作地藏菩薩
形者把手跳過達于太平原坦夷則乃見家族高氏
兄弟等將教于軍來迎而乃夢覺及後達九列築壘
於某列太平原夢乃驗矣自余尊氏自繪地藏菩薩

像作讚有夢中感通之句是也依々木龜壽殿狀并
使者伊庭來囑以用大方之事舉之於東福長老幼
少手書可愛矣恰逢遣使於僧永乃啓是事 三日
應召与僧永同參府々君曰吾新欲建小寺去月晦
日於三會畧說其事兩和尚記否皆曰記之君曰然
則奏于内裏要養天氣今日々吉請安寺号僧永曰
宜在君意君曰吾那得知其由乎僧錄顧余曰何等
名可為善余不能率尔而白忽入思惟三昧僧永曰
君今位至大丞相名為相國寺如何余不覺失笑曰
余心所趣向一与僧錄同唐土東京有大相國寺恰
好云々府君大喜余曰寺号或有四字者有六字者
又養養 天氣喚作養天相國可乎府君僧永皆肯
之 八日過三會院繁少林舉復見心免日本使後

作偈曰龜哥々々汝也癡那得心肝拂樹枝東海本
無頻婆果且留性命喫酸梨云々 十日濃守土岷
光祿大夫送冬衣作偈謝之叙曰某久旅京師忽臨
冬候而裝寒未辨初昏記至出示珍翰并所賜綿襖
戴襲頓覺身在一團和氣中也感佩之至日記唐朝
韓吏部留衣大顛禪師故事作偈代簡奉復濃列史
君源公大居士閣下一笑京洛冬初似臘寒囊空未
管客裘單濃陽太守多和氣莫是施衣人姓韓 十
一日中圓梵意未自閔東出鏤倉殿并管領上杓書
盖小山跡事云々 十三日養府君命赴西芳精舍
紅葉之會々者官伴二條撰政殿侍從中納言萬里
小路中納言日野兄弟管領兄弟僧伴太清物先汝
深本寺長老善明白等也今日之供管領辨之坐列
之或主席周信迫府君命代國師；；与太清對二
條殿与府君對其餘僧俗隨次而坐盖國師小惱不
来也点心罷就于富士間寮道話府君入先師書閣
平日燕息處歷覽隨身道具等而感慕之齋罷復就
富士間与話且和漢聯句二條撰政殿發句曰松八
夕于又牛八紅葉ノ錦力十府君命對句於余々曰
秋雨濛如絲聯句將半君忽召管領留令在席引余
到貯清寮君換衣着道服袈裟獨指東菴往開戶坐
禪侍前者下條一人而已及晚令下條召余々乃上
指東菴与君對話問先師掌闢此山時年及臨示寐
時事余畧說其复且云詳在年譜君令借年譜余
讀之感慕弗已召下條々亦在門側林木中而坐
禪應召而至君令管領引撰政等出於寺外而晚食

君独持齋而不赴及夜月出乃相引下指東菴月影
微々林木陰中布襪草屨而下岩前路峻側步而飯
方丈富士間乃太清等諸老在焉。命君令坐禪以攝
政至而為限及四鼓攝政等乃來復与聯句一百句
畢乃各就于館處及四更報君坐禪如前禪罷假寐
粥罷又坐禪号已時坐禪以点心報而為限凡一時
半也。点心罷君起換衣復上指東菴獨坐禪定盖惜
別於坐禪且慕開山遺蔭也。臨齋君就于僧堂聽衆
僧讀金剛經云每寺如是讀否余曰日本号日中諷
經者為外國敵未襲昔建長寺始讀法華普門品自
尔以來每寺或讀金剛經或法華圓覺等經命天龍
臨川等則以南禪為準等持則讀圓覺經君信心增
發秋作面頰齋罷君過勝光菴与僧永作礼話及西
芳坐禪等事僧録感淚云先師復作矣余与太清亦
同往与僧永話及西芳府君坐禪事僧永復感而淚
或曰西芳寺開基以來若干年僧俗每春花秋葉遊
覽以坐禪來者如府君未嘗有也未世希有殊勝必
再來人也余弥誠衆令勤行不急為府君外護信心
也。十七日常在光寺府君紅葉之會君与諸老憇
于楓橋竟湫話及僧中固夢夏云府君乃聖德太子
再來云々。廿一日叅上府君出先國師和歌墨
蹟而讀之且問新寺相國殿宇大小安衆幾箇修禪
辨道等事或五十人或百人要選僧侶共住吾以道
服不時入寺行道是吾建寺本意也余目白云首先
代時關東造立建長圓覺等寺安衆幾千一千人
先帝創建南禪天龍亦如是府君但建大伽藍準相

浴五山勿以事小刹府君曰吾本乏貲財欲建大伽藍効復達長者必見笑於旁觀者矣余曰不然府君但令願力堅固縱雖今生不成在他生而必成就古人曰佛法無多子久長難得人又曰古人有三生作浮屠者君聞喜曰吾嘗竊作此念然恨無人勸今聞斯言吾所願也夫豈不遵義乎府君於是欲建大叢林之志余又白云殿下位極人臣祿重泰山所祈壽量也而今崇建佛寺尊敬僧法如此延年之術莫大焉殿下一人發心乃天下之人發心也凡匹夫之善惡止其一身而已殿下所行善惡天下所系可不慎哉今殿下好善如此天下之人皆好善始於此矣云々府君有愛狗二頭道話之頃忽走來君欲余安

其俗

其一曰有性其二曰無性

廿九日就閩東

懶府并管領書小山茂木等夏而參府用夏粗話君問津絕海飯來早晚余曰非晚也君又問絕海才德志操何人哉余曰非小僧所及也絕海與余同里開自少共床席嘗在閩東幾年余任善福為余侍衣鉢閣府君曰遣書促歸善矣話罷出府經過新寺巡視基址土木佛殿法堂柱先立矣歸寺燈下作書追附圓首座遞寄絕海催其歸洛以府君之命也晦日例檀忌齋府君面前管領稟云近日東山常樂寺有僧殺死投之隣封一桑院井中余曰說今時贖僧往々畜刀杖是乃法滅之兆也官宜加禁制余在閩東日雖行僕亦不許帶刀子今持刀器者皆非真僧尽是贖僧也

十一月三日昌勤至出絕海書乃審退惠林今歸普

同菴為田地訟。六日相府令下天下訴訟不達者
許來于庭中而自訴吾國所謂庭中者是也。人咸喜
之。七月宝篋院忌。府君至座未定。告余曰：昨日既
行庭中。汝汰矣。必有訴人來者。約衣鉢侍者令告之。
盖慮通謁者阻之也。既而訴人至于庭中者五六人。
府君近簾間而親其出狀文視字。逐一斷之。多是權
勢家事。奉行吏有憚而不達者。府君謂余曰：權門者
必以余為怨。余曰：既稱沙汰。何怨之有。余白：府君曰
去月以鈞命作書喚絕海。今日其小師昌勤者至。近
日當發足。君曰：速來為幸。十日冬至。赴南禪。柔拂
太清。請府君前後兩堂昏記。二藏問答文。馳捧唱。兼
行。府君甚喜。十四日早赴上府。無相諱辭。罷令

余講碧岩准讓太清。嘗在安聖所讀也。府君謂

余曰：坐禪無伴。獨下條一人而已。欲創一室以備宴
坐。扁曰：指月可也。否。余曰：可也。目說灵山話。月曹溪
指月等語。府君曰：凡人貪慾。弗已者。以忘死大也。苟
一念記死字。則何慾之有。廿六日。奉府為新相國
寺上棟之會也。僧錄以下諸老九人。皆會。与府君少
話。壁上中央掛圓覺所進觀音像。左右三笑。四睡。皆
牧溪和尚筆。各益也。府君見。尚三笑。圖上所題。余讀
之曰：一人先行。不到一人。未後。太過一人。瞻前。顧後。
君曰：此義如何。余曰：蹉過了也。呵。余目說。惠遠法
師。隱于東林。誓不出。虎溪。天子臨潯陽。召之不出。後
目送陶陸二友。不覺過橋。盖不出。与過溪。皆為道耳。
點心罷。赴相國寺上棟之會。諸堂五所。開創佛殿。法
堂二基。立柱上棟。同時也。大眾諷經畢。復就于府而

飯、罷下觀茶罷而散矣

十二月二日值例本寺宝篋院忌法華八講啓建教
徒來集性海應請而來点心罷府君問八講緣起
余引石淵寺勤操事而答焉性海在座曰元亭紀昏
載之云云法性院房深僧正者教家碩學也每論
議必先衆而來和會今日取可有之詰難疑處且問
教內諸經要文余隨問畧解釈之府君問六角龜
壽之事余与管領和會之八日佛成道日當中首
座伸無未告退歸西山余作偈贈曰瞿曇曾出雪中
山首座今歸雪外山等是應難忘熟處睦列房在萬
松間九日赴南禪太清和尚入院之會府君立地
而聽且問入寺諸佛夏必有次第否余曰必定一
不可失次府君謂管領曰吾俯恐記不得也老又問
諸疏及茶湯勝余皆逐一答之老又問鹿野苑事且
云以鹿苑而名寺可否余曰最可也唐土有鹿苑名
山也十二日佐々木家臣伊庭三井相爭龜壽殿
曰俱吾家臣也不可滅一人云々年未十歲既有老
成之言可畏也佐々木家臣等過管領出龜壽手書
言伊庭無罪十三日詣常在龍湫和尚々以青
瓷觀音像而見惠斎罷余入府奉呈龜壽手書臨出面
約束早十四無相忌引二僧并相山至則幸也十
四日早參府斎罷余講棧嚴經第五之末六識章
也府君話及岡東慢府武威殺罪等復余曰府君但
行慈悲則与佛在世無異也余既回自府法性院
僧正房深特來頂戴衣盂報弟子之礼々訖下觀練
襖杉紙縫宝拾條廿四日參府作歲盡之礼君迎

余於泉館話及閔東事問鎮倉殿有与余孤負之意
否余曰不也伏乞殿下勿信流言昔有市虎三告曾
黍殺人者如斯叮囑教返府君領之廿七日新天
子年六歲為童出幸于旧内官廳為明日即位也
廿九日以書啓管領督佐々木歸館三十日及晚
過六角賀佐々木四郎殿復歸于本宅蓋以伊庭三
井兩家臣和合也次就于大慈炷香警衆長禪臨
夜伊庭特來謝佐々木之事

三年癸亥

年五十九在等待寺

正月一日行事礼教皆如常例 七日赴西山三會

雲居上香展拜兩院主臨川天龍方丈人事次過無

來房々主宅之目用旧韻山字作詩留付惠珠童子

即絕海度第也候無求歸呈似詩曰人日尋人不在

山童兒一笑指他山梅花處々開應遍不是雲間即

水間楮中和山字曰北斗維南有此山崢嶸秀氣壓

群山陽崖多產玉芝草雨露恩從霄漢間赴勝光院

時普明國師自天童暫暇養法躰小師周高侍者有

新年回雨詩法眷并内外和者八十首許國師令逼

余而和焉韻已押盡矣不免攬筆作曰國師三喚作

何声白雨青天颺々生侍者急須先掩耳水平終不

似人平 十九日西山崇大岳諦觀中伴來崇出近

作乃壘字悼不遷曰茫々迷海失舟楫世有千金無

一壘崇嗣默翁誠々肥列人受業瑞泉住到補陀臨

川七十四而遷寂觀中諦讚故列人物僧有空海圓

珍惠亮等俗有安清明等三十六人其一人則北野

天神非本列生而為國司者二人

二月十三日赴觀持菴檀那善刑部請菴前有一巨
梅樹余攀龐居士訪大梅常故事曰名山曰大梅而
作二偈系於此云老龐邀我去登山牛鼎松風煮月
團不待大梅之子熟花開先向樹頭看 等閑喚作
大梅山便有人尋梅子團一口雖然渾嚼碎難將核
子與人看 耐罷揆衣整服却與步行遊通玄菴題
詠二首叙曰癸亥二月十三日余偶出城步行而東
數里穿松逕捫薜磴抵双林通玄菴 主無住道人
從公竹屋教椽作伴者三五輩以道自牧僅十有八
年幽致殊蕭然矣是時菴前梅花正盛冰窠初融泉
洎々而滴主人邀余坐西軒 最踈快宜遠眺九重
城闕煙雲明滅宛若在圖畫中 顧豁如也 道人索
詩作此為畱云道人無住 隨緣自說幽棲十八年
手種青松今夾徑 炉煨紫芋已成田 梅花影寫孤山
月竹窠聲傳古洞泉 却怕人來嫌屋窄 閑窓放入九
重天 又曰通玄峯頂絕人緣 面壁從它坐九年 滿目
青山非外物 當門白水是良田 双林樹色勻春雨 長
樂鐘色吞夜泉 但得此心無住着 一菴中有四禪天
十四日無相忌 叅府太清相山同叅君話侍從中納
言指館

三月一日赴西山勝光院時國師招天龍臨川諸老
作供 罷國師引余及諸老往持地院東軒觀花
二株盛開國師出題古寺看花余率作曰雨後未尋
鷲嶺春不勞 拓起一枝新 飲光尊者呵 笑人看花
兮 花看人 二日建仁方丈西軒落成同諸老袖茶

相賀蘭洲太清月心相山即川月舟雲溪器之天祥
雲耕官伴管領兄弟命鶴霜臺等也客堂中央掛須
菩提像、前櫻花一瓶余戲作一偈曰瞻銀餅插一
枝花彈壓長安十萬家也即是空、即色空生眼裏
又添沙臨飯和者忙、地月心飯中和就余耳吟曰
義翁唱偈令人和飯裏無端咬着沙余不覺噴飯
滿按飯罷和者殆三十人許長老古劍最後和及送
出門舉似余曰空生看得眼中花遠逐春風不在家
今日東山畱得住又談般若數恒沙 七日宝篋院
忌府君冒早臨賁余先引君入東閣話及性海淨田
事余勸令招之君命余作書招之又府君說昨日於
永明院俸漢聯句近衛殿 句曰書空咄似狂候門
白日長又日出字日本讀作拙義如何余曰不然拙
与巧對咄者呵罵之甚也故作口出今書空咄般浩
事也浩被黜責不敢言時事只向空中書咄、怪事
四字盖浩与桓温爭權在少年時温作竹馬之戲温
棄竹馬浩拾而騎之温喜曰是必在吾下果如其言
余又說佛光祖作白雲菴咄、歌府君問白雲菴義
余引狄梁公親舍白雲故事光祖時養母故名菴云
府君還駕余赴大御所請講圓覺經、罷賜綿襖檀
紙 十四日無相諱叅府請首核嚴目說永明智覺
放生不經冥司徑往西方宗鏡系等事奇罷下觀綾
綿襖二襲枚紙十刀 廿二日赴常在光請衝泥雨
偕諸老上楓橋亭觀瀑南禪太清和尚有詩曰吟行
只覺春山好不怕春泥汙客衣主人龍湫和尚和曰
杜鵑花綻楓橋外似學山僧着赤衣古劍和尚曰樹

王亭主相迎笑道韻如山一衲衣余亦効顰曰諾詎
貪看千丈瀑不知飛雪濕禪衣 廿三日入內府談
圓覺經時本光院匡長老在席講罷賜白綿襖香合
等物日檀那尊氏忌齋府君談話之次問故鑊倉基
氏作何好余曰凡佛法政道其餘管絃諸伎藝無不
好者獨於世俗所好村田舞樂終身不一見君曰為
何事余曰伯父大休寺殿不愛戲場且以有妨於政
道也君頗有媿也君又說曰射狗作武備或有落馬
者余曰衆人落馬患上其身殿下若落馬則愛及天
下可不慎哉君頷之

四月二日二條樞政藤公以詩見戲余亦戲答曰杜
陵不畜著囊錢裴相曾參黃檗禪文物風流今尚在一
人依舊卻當千小技文章不直錢爭如點坐只安禪
狂言綺語防違犯佛滅于今歲二千 十三日下條

書至云君命來日昧且參府 十四日黎明參府
君未起與相山憇于安聖候君召少頃使者至急召
余即忙出門使者相次至者三次下條候門云急
來余入則君出梅回顧見相山驚曰嗟相山來也蓋
君獨密欲與余談某事故尔相山就座君只叙寒暄
而已不及情款太清亦至點心罷間談及嗟峨門徒
不和事、罷講棧嚴第五末齋罷下觀 十五日冒
早赴南禪秉拂之筵早起者以与府君約也蓋君預
約以先至者為勝余既入寺然君未至余就于上生
炷香少頃則告云府君入方丈余忙、地到方丈与
府君話余曰先入寺者信也君戲以熊谷平山前後
陣者助笑魚心罷燕于南廂而說話龍漱說及同門

闍闍等更就法堂棧席聽法府君曰作麼生是何義
曰猶言如何俗語也君又問衣鉢侍者次是何侍者
曰聖僧侍者即秉拂侍者也常在僧堂侍于聖僧者
君曰其職為貴為賤曰此職多以道者充之或雖勤
舊亦發心自請充者在之府君見棧巖頭喝食唱佛
母乃曰彼少年者如斯俊快可愛也禪家雖七八歲
雖道者亦於大眾中作法更遂充任持或荷擔大法
者皆由少年而然也 廿二日應大御所請入下府
講圓覺經時府君令子年三歲者出弄腰鼓且作舞
以充賞翫今日府君使者下條來問不遷禪師號事
余期以來日齋報云云 廿二日入府云君出接余
曰不遷和尚師號未及周忌可奏請否等事蓋禪師
號始自神秀禪師號大通禪師國師之稱亦自神秀
起即唐朝也末亦滅時賜者宋朝大惠禪師是也或
有四字六字者今時風俗好若以多字者為榮蓋非
正論也四字之號始自宋南渡賣師號助後不必為
好事云云余曰出自子一曰佛照圓明二曰妙唱宗
猷三曰一音普應殿下以此三者擇而奏之府君收
之 此日龍湫問子生日在幾箇日曰正月十六日
湫揆曆曰宿在軫云云過真聖寺与獨芳温中堂中
三老人更因說及濁菴圖事蓋昨日過南禪方丈与
太清和尚話次清問子所撰貞和集中有濁菴圖頌
則五祖掉舟送六祖事也濁菴豈非五祖身兒時
所捨水中欵故今話及之獨芳亦云未詳如何余曰
引北礪外錄云中載濁菴圖頌有濁菴掉回斤雲何
處則濁菴蓋水名自五祖入大江處欵當問曾到者

又引六祖壇經則云五祖送到九江津云：九江即江列與蘄列對岸南北也浪濤狗蹈難蓋江湖間舟子俗話放舩入水四方八面風行舩不定無可奈何時說話也。廿七日早赴通玄尼寺府君先至在外面召余君引余入別座屏處說話及南禪達仁長老嬾疑作隙之事

五月四日大方殿使來蓋為講圓覺經余辭以他日八日赴禮東福及晚而歸乃審下條傳府君命君候余參而終日以余不參君出遊約以來早參府是日府君以三會事與太清及士佛話不忍憤悱云：

九日早參府君怒形於色云吾欲與嗟戰門徒絕自今以後不復為法眷但為潤山國師門人而已余問其故則以春屋龍湫不和諸弟鬪墻今欲令之和春屋不肯不如与之絕交余千方萬計救之解之因

勸台梵賀以請龍湫事與春屋和會且謂勿急先甲三日後甲三日徐而思之未晚也。十二日府君特

召梵賀重以請龍湫充三會院主事而報國師其旨甚詳誓言無私云：是夜臨川諸道人誤聽以為

五山事或有起單者。十三日國師再與中浩梵賀二人白府君以請龍湫充三會院主定矣及是臨川道人復歸猶或有不歸者可笑也。十四日以例入

府一品忌君目說前昨兩日以浩賀為使與國師和會以三會請龍湫復并臨川五山旧事府君又曰諸眷縱和睦大義讓叟二人未可知也余與太清切：和解乞免。十五日早赴景德寺與物先同飯招浩首座問以前昨參府之事與余之所話符合。十六

日早赴慈聖院賀龍湫領三會夏罷同叅府君君悅
適廿四日赴南禪方丈太清請府君納涼南軒
林樾龍湫領三會明日入院日有此會也上生院見
缺主席府君龍湫和會命余兼管余固辭龍湫府君
勸勉數次余不肯聽府君問月字可韻否余曰仄
韻即可矣平韻則不可蓋以前日府君聯句曰入望
高軒月也府君仍問聯句之法余索詩學大成取其
中四取詩句等作對韻格會之府君又問文王世子
帝夢與九齡事余略引禮記文王曰我百尔九十吾
與尔三焉蓋文王以憂勤損壽也夢與九齡蓋是漢
儒附會也昨日萬里小路黃門問余曰文王以年與
武王蓋好事者為之說也月舟時在座上出陳澔新
注者某說合之漢儒附會驗焉廿六日入府辭上

生院主職君意未平曰當以余意詳向僧錄說云
府君尚問余辭上生意旨余謂其意非一也因以數
件事而啓之廿七日早赴西山三會龍湫人夏
罷固辭上生院湫舟三勸勉余辭以昨日府君面前
所說數件湫暮然發怒敢於顏良余徐詳說湫意
稍解廿八日龍湫入府謝三會事且和會上生主
職罷來訪云府君既免子而以月舟而代之
六月二日府君以下條為使預請來十四一品年忌
拍香且戲囑云若辭讓則孤負吾蓋以余每事辭讓
而見戲也廿七日府君管領入寺雜談及京鏡兩問
口舌之妄八日赴南禪雲門之請君府至與諸老
納涼聯句府君起句曰炎天風在竹廿九日預作等
持院忌因有倭漢聯句會府君撰相萬里小路日野

兄弟月輪成阿弥秀長執筆府君俄令喚管領僧
伴性海太清相山獨芳月舟雲溪雲耕

七月四日赴大龍菴倭漢會府君密告余曰昨日當
寺長老古劍入府見賀准后官号時值沐髮不出迎
恐他作怪也幸希知之 六日預作宝篋忌府君以
庭中訴者多不及說話作戲訊經罷往歸穉飯 七

日晚刻忽聞扣門府君入寺就于佛殿而道話及昏

鐘既鳴君令余入禪堂君隨後入在外堂而坐禪

罷還駕 八月侵早赴上生院駒瀧倭漢會官伴

僧伴如常早涼點心罷會于駒瀧久雨瀑漲如湍練

四山爽氣恰似洗府君首唱曰二千ノラセアキノ

ソキケノコニカクキ撰相殿歎羨之忽有猼猳

群至獨老猼猳追其座覓食諸人擲菓餅等飼之猼

喜躍登神祠殿手推門扇開之祠乃熊野權現猼蓋

為其使者咸謂吉兆也聯句百韻罷復就于院而飯

罷聯句撰相護句日ハヤイテヨソノアカツキ

ヲニツノツキ月舟續之曰龍華秋未萎及昏鐘鳴

府君出寺時沙唱就三門舉唱施文府君立地聽之

十三日冒大水赴萬壽倭漢之會府君也 十四日

一品諱赴府講楞嚴觀音章就于安聖院演唱施食

文々罷同府君入相國寺巡視土木之功 十五日

余將飯于僧堂既展鉢忽報府君入寺收鉢而出君

在佛殿余引入東閣而道話及晚施食訊經々罷府

君飯駕余如大慈院施食相那入院證明 十六日

浩相二首座傳國師余來令余過安聖院白于府君

國師為來九月三十三忌探伺鈞意宜奉府君吾恐

府君與國師相忤方便婉詞以成就之浩相乃喜曰
幸矣蓋天龍寺落成慶讚供養陞座導師國師自
任且可讓龍湫否事府君問中浩梵相二首座曰為
先師諱奇陞座耶為復天龍慶讚陞座耶二首座曰
慶讚導師矣府君良久曰諾蓋欲為先師忌陞座拓
香專請他門尊宿則可也而國師不肯故云耳十
九日赴天龍方丈會議九月佛夏之末國師本意寺
既重興自任慶讚導師諸老尼弟竊議以為不可蓋
是專為先師三十三忌也陞座拓香室請他門尊宿
若以當寺供養而為本似非先師佛夏眾議不與國
師意合余先是潛與浩首座和會席罷浩諷相首座
令納諫相乃懇啓國師之意於是解矣陞座拓香請
他門長老充之既定矣浩首座又告余以二佛夏并
院御幸寺事且約來日參府而白云廿日浩相
二首座同飯罷引入府君出接余曰昨日往天
童預議佛夏天龍慶讚陞座之外別諸忌奇陞座拓
香嚴作先師佛夏府君乃喜曰取可矣蓋近來國師
與府君不合余設方便奇計以和解之浩相二首座
喜甚余歸等持講清規廿八日國師使者來令余
以來日告府君管領諸山文書并九月佛夏二塔處
佛事陞座拓香各以現任閑人二人而充之三會院
請南禪太清東福大方雲居菴請道林性海兩和尚
廿九日仁山忌府君侵早臨駕余因覆以國師來意
八月四日作二偈寄賀圓覺新命香林淨智新命天
鑑蓋代疏也五日過管領宅和會閩東等夏七
日寶篋忌府君臨賁府君獨與余話及閩東夏因說

東西兩府和睦可以安天下也伏願殿下莫聽小人
謬言鑊倉殿去六月竊有隱居瑞泉之志故府君怪
之故云 又說京師鑊倉五山十刹諸山住持宜舉
範林知名之士以遏妄庸濫進之弊府君領之及晚
喚町野告以府君之意 廿四日赴請府君設點
心二味菓子三品飯菜六種云是龍湫和尚所教俟
約者也自今以後每會如此則足矣余因勸令為天
下範林法式以戒奢也 廿五日早往三會院勝光
菴說府君儉約等事仍以府君命說兩師兄諸佛更
須用儉法兩師兄皆喜云不謂復見淳朴之風矣乃
定儉法曰點心二種飯菜六種菓子三種暖席用漆
高麗布勝光飯罷歸往就于府聽法率馘之罷于府
勸益作儉君曰吾本清寒故作儉不是故作意云
是夜府君詣于北野廟蓋為奉遷神座也在府觀天
神緣起圖紀 廿六日赴管領第与說閔東并信列
之事領出鑊倉殿及管領上秋書 廿七日講清規
古劍来自建仁潜在屏處而聽余戲以盜法之罪
九月一日講清規 五日絕海歸自甲列蓋惠林住
院紀滿也入洛館于大慈院余往畧叙久闊之意
六日早就大慈院一齋為絕海作供齋罷引絕海入
府君相看 九日赴天竜方丈和會來晦日佛事
十四日一品忌例入府講楞嚴經及絕海居止
之事余日謹仰鈞意今日府君与余和會改安聖而
扁鹿苑君親署今額 十六日入府謝大慈莊田公
文之次白絕海住居之哀府君曰吾將令絕海居于

新鹿苑余聞鈞命代而拜其辱敝寺修書告絕海
乃未謝 十八日上府修憾 罷与府君和會絕海
鹿苑入院之期定以未二十日亦以使報之絕海
十九日特往天竜稟固師以絕海新鹿苑之夏 廿
日冒雨赴鹿苑院絕海既入院即旧安聖院也府君
道服披袈裟著僧鞋帶一人持傘衝雨而至 廿一
日就于大慈院預為先回師諱齋拈香佛夏祖那佈
木四即殿入院證明 晦日先回師三十三年諱
先一日天竜寺供養 及年忌佛事儀式詳見于
三會雲居兩塔注記也今不必多載之
十月廿二日以府余設假亭於二條大路北偏觀大
堂會御禊行幸同觀者龍湫和尚普明回師等十餘
人余乃有詩曰 臺輿駐蹕浴之濯被禊臨流列百司
自薄光輝唐制度衣冠扈從漢威儀雲籠御榻岳為
惺水引仙盃曲作池怪得中真文物盛伊周翊聖恰
同時

十二月二日八講啓庭府君借錄議定新相國寺之
夏余預焉寺初号美天相國余白于府君回師曰美
天相國語似不熟若或称相國美天其可矣乎府君
僧録領之 七日宝篋忌赴寺持院府君約余及太
清徑可到鹿苑初後二時長禪或道話法談及禪苑
規式府君曰五山十刹諸山非器者不可許住持公
文自今以後禪苑住持非器者谷在兩人宜慎擇而
奉之 八日余在鹿苑府君畱太清及余不許敝寺
招撰相殿等倭漢聯句 十三日相國新寺追請
先回師而為開山第一祖今日特命普明回師而充

住持職第二世也 十四日一品忌入府之齋罷君
引就鹿苑而道話君問先祖昔開天龍基時事余曰
先公特為 後醍醐天皇而所建之初當開基址時
先公伯仲自擔土者三次先國師作對君又問南禪
開基事曰余凡雖聞其由而未詳之亦未見南禪建
立記文南院行狀等然畧欲陳余所聞而已 龜山
法皇與大明國師嘗有香火之契於是欲建大叡糾
然大明國師未及開其基而入滅南院國師應詔初
建法皇製錦囊作土籠與南院作對運土三次法皇
藝臣從侍者某與南院聽叫作對而擔之府君聞而
喜甚及夜自鹿苑入新寺退僧喝召家臣柔月普請
君且笑曰何必用南禪錦囊之製而命作索籠躬親
搬土命余作對擔者三次而後君担兩籠會作一篋
而運之君命畠山將監典麿與余之聽叫作對三次
運搬蓋是做法王從臣與南院聽叫之例也預役者
玉堂仲氏山科中將日野兄弟武田下條等自餘不
記向夜半歸等持 十八日赴相國寺方丈點心罷
住持普明國師與余議定本寺行事禮數十餘件所
謂四時三時二時四節三八等大半做天龍之例此
時未與五山齒但以修禪辨道而為寂是故禮數未
備也

四年甲子

年滿六十在等持

正月一日方丈一麪供衆看經長禪如例周南在南
禪職于書狀年二十一也 八日三會雲居炷香
九日相國方丈普明國師鹿苑絕海人事 十六日

入府賀歲 十八日相國普請赤松充役与太清等

引府君同觀之 廿五日奉接 府君座伴管領僧

座相國方丈和尚太清相山絕海等

二月廿日赴細川讚列宝洲居士三十三忌就于景

德寺拈香佛夏為令子武列挂名及右京兆賴元請

相國普明國師陞座府君垂簾聽法 廿一日相國

寺普請佐々木充役与府君出觀太清自南禪來觀

廿五日府君在鹿苑見召又召住持普明國師君詔

及相國座位事國師及余畧說其夏君曰姑俟佛殿

落成云々 廿六日冒雨赴等持院大休寺殿三十

三忌于僧勝會陞座南禪太清拈香天龍德叟府君

入院證明 廿九日府君設點心見召時德叟引天

龍一衆及真如等持院衆來于相國寺築礎与府君

出觀 三十日因佛夏齋諸府君及撰相殿君新書

香雪二字揭于東亭官伴萬里小路日野兄弟坊城

秀長月輪少將等僧伴性海太清德叟獨芳玉圃物

先月舟雲溪絕海等會于香雪亭撰相發向府君余

周信為亭主例責以第二句

三月七日宝篋院忌府君道話之次余乞暇湯鑿于

大慈院君乞之 八日以府君命赴常在院觀花之

會齋罷君泊諸老皆上後山樹王亭觀花君令管領

諸徒者就于下館作燕君不赴畱在亭上与諸禪

長老道話及晚而去矣余曰府君天資近道不赴酒

燕獨与諸老話作清淨會如斯不亦希有哉 是日

過半凋殘花府君密謂余曰日則吉矣花則落矣盖

戲以龍湫和尚拘日過花時節也余笑曰觀花則以

盛開為吉日也龍湫天性每卜日時吉凶所以有此戲也府君話及叢林楞嚴頭羊額衣裳音聲三者備而為得人云十日湯鑿始於此日來者皆不出接鑿師土佛法印來候脉云風冷甚盛中風之候宜慎焉歸後送老活湯十二日以拘湯治不赴天龍三會府君之伴筵十四日不赴雲門菴府君倭漢燕集之期十五日相國寺明日立柱辭黠心許赴諷經之場書報恩寺梁碑者二檀那鑪倉管領上秋房列所請也十六日慮熱瘴癘者闍日而發心地不安患風不赴相國佛殿立柱之會府君以使而召余懇囑使者辭之廿五日山雪乍消冷氣稍減士佛候脉之既好矣廿七日鑪倉殿泊管領二書至蓋助成為相國寺造料廿八日入府出呈昨日

閔東二書府君喜助成時太清和尚出土改書府君胸懷不解余曰人無不有過知而改為善對談移刻廿九日例忌府君臨駕諷經罷徑還駕余復往大慈養疾

四月一日伊豆副刺史大石并和田至出上秋武庫書乃房列嫡子号琢磨者七日宝篋忌府君管領入寺十四日例無相諱就于鹿苑院辭罷誦楞嚴經

五月四日上府賜角黍下府亦賜五日管領送角黍齋罷請衆作粽供點茶一中七日宝篋忌府君臨駕

六月六日就于大慈預作故檀雪江忌十二日預作一品忌入府清溪太清相山物先等

七月七日宝篋忌府君黥齋共辭諷經上香乃還
十二日預作一品忌赴鹿苑院首楞嚴 十四日演
唱施文府君臨賁 廿九日赴大光明寺請齋罷謁
見于南内上皇

八月七日宝篋忌府君入寺夏末以來余乞退當寺
府君不許忌過七月病懶難堪于官寺累乞老身仍
懇說余意府君曰和尚告退切也定交代人可以收
退余曰東西洛中器用實多君其擇之君曰吾不知
其人但任和尚舉余曰明應西堂空谷道學兼備天
性會禪真叢林飽參而近代本也衲子也余嘗在天
鼈日与余特厚堂中並單燈下共書朝夕遊從互至
忘形是以能知其為人今在伏見大光明寺領衆辦
道是乃當寺之材也宜登庸斯人則可矣君曰其師
為誰哉余曰法嗣先國師上首無極和尚國師喚作
孫太郎者也君曰吾嘗聞之乃笑而領焉於是余退
既定矣 十日退等持寺作偈上 大丞相源君云
官寺羈留忽五年素餐無裨愧蒼天公門廣大恩如
海放我秋惣聽雨眠余遂出等持居大慈院
九月二日應召而入應府君出接時管領在側府
君命余管上生院余去年五月蒙命余堅拒今亦不
能辭遂領院事且拜謝而作管領亦出余將亲與管
領潛告余且戲而曰府君今命上生和尚知其意否
余曰不知領曰君意者在于欲令和尚住南禪是以
預令管上生也 四日金玉圖鼈雲溪麟天祥各袖
茶而來遊々與不盡連句教十字昏而去鄰寺鐘殷
々如也 五日命申季等往上生院收交割等

八月初入上生院佛前影前炷拜畢與衆作禮九
日為院衆等設飯姑在院與衆作息或往大慈院
廿九日先諱赴三會院府君入山三會齋罷歸大慈
院甲子秋閏九月十八日陪大丞相洎諸禪師遊
于西芳精舍及歸作詩二首錄呈閣下曰相國遊
山野趣長故招我輩共林塘清齋不作陶潛醉幽賞
偏尋惠遠房雲外桂香飄夜月岸邊楓葉落秋霜晚
來更愛扁舟與吹笛參差送夕陽又曰殘陽欲落水
西頭將相尋山去放舟孫管凌雲天上曲魚龍舞浪
洞庭秋山開岫障重々巖水濯塵纓柏々流自笑不
才林下客追陪王謙柔同遊
十月三日自大慈往上生坐而席未暖大慈吏力疾
走而來告府君以專使見召余徑叅府君君出接對
談之頃懷中出一封書而賜余々披而見之乃南禪
鈞帖也余先拜命辱且頂戴帖子畢謹白曰余今
年滿六十未入七十分限而居天下第一位甚弗可
也敢辭然君欲余必領余曰必也喪兒孫固辭君尚
懇請弥切而不喜之色見于面貌余曰出世不出自
古在其人意願檀越莫逼責屢待者一年明年至七
十負數遵養鈞命若尚未允容吾必在汶上矣於是
君容余辭君又曰明年必呈公文奈何諸刹三年二
夏其法既定矣若任出世長老一年而退恐違其制
吾欲請前任長老一人以令補一年之闕龍湫性海
大清皆居東菴就中龍湫和尚最為尊首府君命之
湫辭君重命之曰伏請一年湫亦固辭君輒然曰為
龍湫弟子者於天下叢林停止出世其次性海養命

住院將過一期歲 廿六日預赴伏見大光明寺蓋
廿八日伏見院之母后湯祿門院三十三御忌以院
旨普明國師監諸佛夏府君館于指月 廿七日与
太清相山就于指月而点心府會也点心罷應勅院
參敎罷大光明寺有轉經及舞樂之儀式太上皇及
府君撰政殿相次轉經國師諸老宿同大眾轉經親
王在僧堂內立轉之蓋避上皇御座也轉經罷上皇
及府君撰相以下假坐佛殿西軒上皇半拱御簾親
王右坐府君以下公卿左坐上皇親王彈琵琶府君
吹笙伶官作舞臨夜設庭燎咸謂上皇親王躬自彈
琵琶蓋為母后致敬盡孝古今未曾有也 廿八日
天氣殊佳矣復与太清相山指月點心罷國師陞
座觀經 廿九日以府君旨帛今善法寺次通玄寺

次入下府与大方殿頭殿相見畧叙帛樹之儀蓋前
善法寺了清法平余月廿五日逝去

十一月一日冬至在上生院赴方丈齋府君入寺秉
拂證明昌準上座問禪作惡語 三日与院衆和會
密告昌準請暇以戒後未問禪狼藉之喧也今日自
上生飯大慈 八日赴府君建仁倭漢會 九日等
持院魚心府君太清別座相伴 十日小點請佐
木并家臣等余与佐、木話及治國治心之要大意
要正家國先宜正身要正身先宜正心云々 十一
日通玄尼寺長老捨金穀若干為前善法寺法平了
清大德三七忌命衆諷經余拈香佛夏 十四日普
明國師和余西芳大溪二偈而見似 十五日赴雲
門齋蓋府君為某人設供書五部大經太清拈香

十六日晚入府預白大慈院倭漢會府君約以晦日
徑就于相國寺方丈而奉謝前日和偈 十八日無
求來話且出大溪和什有曰影靜圍々無縫塙心澄
密々貯清房余改影靜作雲鎖心澄作泉鳴無求喜
甚珍重而去 廿二日赴鹿苑府君護生祈禱之場
府君為余請書大梁南枝回大字大梁乃上板武庫
道号南枝盖大慈梅亭扁也 廿四日大慈院新開
東門為未晦日奉迎府君也 廿六日大慈院東門
落成玉圍至改築東軒假山盖為對新門也 晦日
府君臨駕余且迎接君曰好山水引上梅亭迺君所
書南枝二字新揭南軒々前梅花恰好南枝開綻者
兩三萼可喜也君曰十餘年前到此風景彷彿可記
點心官伴模相等三五輩偕伴普明國師性海太清

等十餘人點罷復會於南枝倭漢聯句一百句奇訖
道話移刻官駕乃還 護句二條殿曰カスヤ千代
名玉松ノ霰カ十府君命余續第二句例也曰歳
晚喜回春府君千ル比ノ花ヤ山千ヲカクスラン
余曰鞋香草欲句二條曰雪ノアユニハアトモシ
ラレス府君曰ケサニツル花ハムカシニ千リナ
シテ國師曰春遊跡易陳二條曰秋ノ田ノミツホ
ノ國モヲサニリテ太清曰窺旒拜紫宸
十二月一日請檀那佐々木殿及家臣六七人出示
昨日倭漢聯句各々傳寫一本而去祖那問耶鄴枕
事余詳說而教之盖以倭漢聯句有是故事也 二
日赴建仁大龍菴忌齋衆僧皆着座定矣主人揖余
而入客堂与住持對面余起与太清椿庭相讓者教

次遂不得已乃敷座蓋以本寺東堂也黥心嚴太清
引入南昌菴諸老雜話余問椿庭此見康稷菴語尾
書曰郊臺何也庭曰稷菴時在杭列龍華與郊臺近
蓋南渡宋都祭天於南郊故云郊臺乃祀天之臺
也三讓廟吳太伯廟扁也唐土女人喚婆子則嗔喚
小娘則喜 八日赴鹿苑倭漢之會府君出諸奇物
例拈闍八件物內余拈得七則所謂落闍者也二條
准后羨之 十日佐汝霖至問忠宣公之事余答之
仍引楠葉祭文等而辨之云 廿五日赴常在光
院主太清和尚請府君新方丈落成時椿庭話云
嘗在江南視子室華葉大冊者於歸融侍者處時有
官負見之乞抄書融啟不許官負大怒云 廿
六日入府致歲蓋之禮 廿七日赴常在謝蓋與諸

老伸隻手也 廿八日就于祖那六角第賀歲蓋也
當寺開山千光自筆日記中載本寺創為天台別院
真言止觀禪宗三院後植菩提樹二本於寺丑寅偶
云、建仁住院中事見于八月十七之記也建仁寺
事

康曆三年辛酉十一月二日同太清赴二條准后之
招永相山等三五人官人萬里小路等數人時有善談
劇者謂物語一曰日本禪僧与梵僧宗論二曰准后
將軍兩人入內盤馬之戲和漢聯句始用今大明撰
洪武正韻群玉為韻迨第一東字凡吾國俗舊例和
漢聯句漢有韻和無韻今則新立此和亦押韻准后
以起句讓余太清兩人々々相推迫不已則題護句
曰半欄分愛日唯后次曰工ノ八七二八ノ少七凡

紅太清曰水紋池濯錦云々


興東昏記說南遊事蘇列天平津栢林會中藏主天平乃范文政公旧業昔為律居其子忠宣公依遺囑改為禪院請淳山遠公為第一祖世謂白雲深處旧說知足率道者乃此寺中也道者世務農母孕三年生能語往事三歲跌坐云々日食或倍二十人不飽水漿不入口二三月不飢一卧必三歲有問佛法不奮請偈則大書此五以示其居今為別院名明因石壁刻作五字好事者或摸而印之此日佛心長老益大中未出悼玄惠法印八句詩未改々數字其旧居今称本住以上見于永德三年三月五日之記也本住又云孤山智圓龍湫說弥忠行狀曰嘗在淨智

大鑑會中充請容侍者每作偈頌必中上科一日忠

發道心辭大鑑欲入山鑑留不可乃送出三門外如送大尊宿後叅吾先国師乃在會中充侍香請充昏記則逃去遂不復出在丹波列示窠以两手按胸示徒曰余等觀吾五十年来煩惱底無明袋今日破了也云々載在永德二年壬戌三月廿六日記

東陵和尚嘗說奉化縣人堅如缺公塘坊人稍堅如銅故俗有銅公塘鍊奉化之称 永德癸亥五月十日

日々記



Vertical columns of faint Japanese text, likely bleed-through from the reverse side of the page. The text is mostly illegible due to fading and paper texture.

